

牧養門

日用門上

攷事新書

六

攷事新書卷之十二

牧養門

養蠶

養蠶日忌庚戌以蠶姑死日也

祀蠶神五月初五日祀蠶神室當午處具香食餅令

婦禱祀用茶代酒○齊諧記吳縣張成夜見婦人

於宅南婦人舉手招成曰此地是君家蠶室我即

其神明年正月半宜作白粥泛膏於上以祀我已

後年年大得蚕

備蠶具凡蠶室北屋為上西屋次之

蠶喜東照

大忌東屋

無西窓亦可

為西日暝照又西風非長養之氣也

二月五日泥蠶室○蠶生一月之前預修蠶室須要寬快潔淨通風氣映日陽牆壁勿使有濕屋前不宜有樹木窓戶虛明易辨眠起糊以新紙各備簾簾下附地列置風竇令啓閉以除濕鬱蟻生三日之前先將蠶屋用火熏煖○擇日安排上下閑鋪三箔上承塵埃下隔濕潤鋪切碎稗草上中箔以備分搗○臘月刈茅草收積勿令雨浥待來春作蠶蓐則作繭加倍厚實○蚕喜牛糞牛喜蚕沙牛糞熏屋大宜於蚕至月多收牛糞堆聚春暖

踏整坏於蠶房內燒之令無煙。乾桑葉臘月內
擣磨成麵以食收貯飼蠶則能消蠶熱病餘剩者
可做牛料甚美

擇種育蠶之法始擇種雄繭尖細緊小雌繭圓漫厚
大開簇時擇近上向陽或在苔草上明潔堅實者
置透風涼房內淨箔上一一單排日數既足其蛾
自出第一日出者為苗末後出者為本蛾不可用
若有拳翅禿眉焦尾焦脚赤肚無毛黑紋黑身黑
頭者亦皆不用只留完全肥好者以厚紙為連散
蛾於上以次日以後每一日出者為一連至十八

日後西南淨地掘坑貯蛾以土封之使免禽虫傷食其生子如環或堆者皆不用生子數足更令連

上覆三五日遇天色清明日未出時汲井水浴連

一飯頃浸去毒氣掛於通風涼房內連背相靠釣掛掛時蠶子

向外恐有風靡其子勿令煙熏日炙至十月捲収頸放於無

煙淨屋內○冬至日浴連臘月內三八日浴連三

次流水為上井華水為次無冷水極凍用柴或稻草灰淋汁浸三日取出雪水尤佳浴畢

用桑皮繩懸掛以浴畢於中庭用竿高掛至除夜用

五方草或馬齒莧同桃符木以水同煎放冷元日五更

浴過藏之瓮內每數十日日高時一曬每陰雨止

帛便晒曝

出蠶三月穀雨出蠶令蠶毋洗水淨潔

凡幼葉飼養
撞布之際並

此當如

將瓮中蠶種遷於無風溫室懸掛太高則傷

風太卑則傷土蠶種初變紅肥再變如春柳色三

變如遠山色用盤其中此必收之種也若項平焦

乾蒼黃赤色此必不用之種也蠶種變色遲速

由己勿致損傷自變桑葉已生自辰巳間將瓮內

取出舒卷提掇亦無度數但要第一日變三分第

二日變七分却用紙密糊封了還瓮內收藏至第

三日午時又出連舒卷須要變至十分

下蟻蠶變灰色已全以兩連相合鋪淨箔上緊捲兩

頭繩束卓立於無煙淨涼房內第三日挽取出展

箔蟻不出為上若有先出者名曰行馬蟻留則蠶

不齊須以鷄翎掃索用翎不可以掃撥蓋蠶生不齊

則其眠起至老俱不能齊故曰蠶欲三齊子齊蟻

齊蠶齊是也候蟻義生和蟻秤連記寫分兩多少

用細切搗軟稗草均鋪箔上為蓐又擇淨紙粘鋪

蓐上便取素葉着懷中細切如絲髮飾於蓐紙上

務令切薄將連合於葉上蟻自下連緣葉有不平者輕輕

振下勿用鷄毛芽或過時不下連及緣上連背者

此殘病蟻也并連棄了却秤空連便知蠶分兩三
兩蟻可布一箔至老可分三十箔每蟻一錢卽為老
蠶一箔量葉放蟻慎勿貪多不然則勞而無功矣
飼蠶蟻初生色黑漸漸加食至第三日巳午時擘如
小碁子布于箔中漸漸飼葉謂之擘黑●初一日
時辰可飼四頓一晝夜飼四十八頓或三十六頓
第二日飼至三十頓第三日亦飼三十頓當用心
勤飼●初飼蟻時旋摘細葉用利刀細功用篩子
篩下不注頻飼蓋旋摘則不乾非利刀則無夜非
細切則蓋蟻非篩則不均葉樣微液不能久存小

傾成枯故頻飼也

加眠

一云頭眠
一云正眠

黑蟻寢白則向食宜少加厚寢青則

正食宜益加厚寢白則慢食宜少減寢黃則短食

宜愈減純黃則停食謂之正眠●頭眠擡飼候十

分眠纔可佳食至十分起方可投食

若八九分起
便飼之直至

老都一晝夜可飼六頓次日可漸次加葉●向黃

之時宜極煖眠起時却要微煖起後天氣清明已

午時間暫捲窓間簾幃以通風日

南風則捲北窓
北風則捲南窓

放人風氣
不傷蠶

再眠

一云停眠

正眠起後自黃而白食宜少加自白而青

食宜益加自青而復白食宜少減自白而黃食宜

愈減此又一眠也○向眠時見黃光便住食擡解

宜候起齊慢飼葉宜薄摻厚則多傷一晝夜只可

飼四頓次日漸漸加葉○眠起宜溫和起後天氣

清明已午時間捲簾通風如上法

大眠直候十分起齊投食一晝夜三頓次日加葉至

第七八頓午時天氣晴暖取菜豆麵白米麵或黑

豆熟麵

凡麵預先磨下待之

與切下菜葉一處微用溫水拌

勻一箸可飼麵十餘兩却減葉三四分隔一日再

如此飼一頓不惟鮮蠶熟毒又省桑葉仍得繇多
少全在此數日不可怠慢日見有老者量分類減
飼候十蠶九老方可入簇○大眠起後飼罷三頓
捲簾去祇窓以透風日必不頓驚生病雌大眠後喜涼亦避
猛風若天氣炎熱門口置缸旋添新水以生涼如遇
風雨夜涼却將簾帟放下

飼養總論蠶必晝夜飼飼要均勻若頓數多者蠶必
早老少者遲老二十五日老一箔可得繇二十五
兩二十八日老得繇二十兩若月餘或四十日老
止得繇十餘兩○若值風雨天寒比及飼蠶先用

乾柴或去華裨草一把點火繞箔照過燭出寒
濕之氣然後飼之則蠶不生病○蠶食雨濕葉及
涼露濕葉則成白殭食風日所乾葉及舊乾熟葉
則生腹結食洩臭葉則生諸疾濕葉有可製之法
艾葉積實苦席覆之少時內發蒸熟審其得所照
葉攤之濕隨氣和葉亦不寒即可飼之至乾葉臭
葉無可製之法棄之可也○採桑婦必踈爽於室
中出熱氣後乃與食○育蠶而缺葉者以甘草水
洒葉次以米粉糝之後乾與食可度一日夜成繭
今厚實謂之齊蠶

分搗總論蠶滋多必須分之沙燠厚必須搗之失分

則不勝稠疊失搗則不勝蒸湿故分搗宜頻住食

搗分○每搗之後布蠶若稠則強者得食弱者不得

食必饒箔遊走且於搗時久堆亂積遠擲高拋則

蠶身相繼損傷生疾切宜稀布而安頓也

涼暖總論自蟻初生至兩眠蠶屋正要溫暖毋須着

單衣自覺身寒則蠶亦寒便添熱火自覺身熱則

酌量去火大眠後天氣炎熱却要屋內清涼○晝

夜之間大繁亦分四時朝暮類春秋正晝如夏深

夜如冬寒暄不一用火斟酌多少不宜一例

入宜方眠時宜暗眠起後宜小窗並向眠時宜暖
宜暗蚕大並起時宜涼宜明向食時宜加葉緊飼
新起時宜薄葉慢飼

雜忌忌煙熏忌煎炒魚肉忌燒皮毛忌燃紙吹滅忌
臭穢忌酒醋五辛羶腥麝香忌室宇掃塵忌西照
日忌當日迎風忌倉卒開門暗風忌燈火射窓忌
敲擊門戶忌放刀竈上忌屋內哭泣叫喚穢言淫
辭忌產婦孝子不潔人入蚕室忌帶酒切葉飼蚕
搗解布蚕○未滿月產婦不宜作蚕母○蚕母不
宜頻換衣服○蚕陽物火忌水故食而不飲

晚蚕又有夏蚕秋蚕名曰晚蚕夏蚕自蟻至老俱宜涼惟忌蚊蠅必設帳以衛之秋蚕初宜涼漸漸宜暖養法同前○夏蚕不中繰絲惟堪綿績而已夏不宜多有擘黑後須日早晨一搥其沙

繰絲凡繭宜擇涼處薄攤蛾自遑出免使押繰相逼不及則有瓮氎籠蒸之法繰絲之訣惟在細圓勻緊無粗節不均也○繰絲有熟釜冷釜之異然皆有繰車絲軒然後可用大釜要大甌置于釜上甌中八木滿甌中用一棍攔斷可用二人對繰水須常熱旋旋下繭多下則繰不及鬻損些可廢繰單

鰯者雙鰯亦可但不如冷盆盱鰯潔淨先瑩也冷
盆要大先泥其外用時添水八九分水宜溫暖長
勻無令乍寒熱可鰯全鰯細絲中等繭可鰯雙鰯
化熟釜者有精神而又堅韌也

養牛

相母牛方色白乳紅多產毛疎乳黑不產產時犢卧
與其母面相向則數產相背則稀產一夜下糞三
堆一年一產一堆則三年一產○相耕牛方眼要
去角近眼欲大白脉貫瞳角欲細兩根着近體欲
粗麋毛欲短密頸骨尾稍長大後脚股門謂脚並

快則吉毛踈長者不耐寒尾梢亂毛轉卷則命短
○審戚相牛經曰頭小腦大頭長身短角方眼圓
脊高臂低毛不分立齊足乃可為畊牛○頭欲瘦
小不用多肉面欲方長短則命促眼欲窳窳則有
力不窳則小力眼赤子觸人眼下有旋毛名淚滴
不吉鼻欲斬而大易瘡鼻如鏹難瘡無力鼻上毛
逆凶口欲方大能食齒欲白角向前吉向後凶而
角間有亂毛妨主角圓紋細耳去角近略可容指
方好骨欲長大尾骨鹿鹿少毛者有力毛短密而黑
者耐寒踈長如鼠毛者怕寒前脚欲直而濶後脚

欲曲而開蹄欲大青黑紫為鐵蹄告屎如螺旋用
用力如雷

牛之為物功于農用善養畜者必有愛重之心順其
涼暖時其飢飽節其作息養其血氣若然則皮毛
潤澤肥體肥膂力有餘而至老不衰其何困乏羸
瘠之有○春初必去牢欄積糞自此以後旬日一
除免穢氣蒸鬱為患且使無浸漬蹄甲以生疾○
方舊草凋朽新草未生之時宜取潔淨藁細剉之
和以麩殼糠豆之屬使之微濕槽盛而飼之春秋
草茂放牧飲水然後與草則腹不漲至冬月天氣

積陰風雪嚴凍卽宜處之煖燠之地煮糜粥以啖之又當預收豆楮之葉舂碎而儲積之以米泔和剉草糠麩以飼之又或以綿餅飼之此所謂順其涼暖時其飢飽○每遇畊作之日晝以放牧夜復飽飼至五更初乘日未出天氣涼而用之則力倍於常半日而勝一日之功日高熱喘使令休息勿竭其力以致困乏此南方晝耕之法也若夫北方陸地平遠牛皆夜耕以避晝熱夜半仍以芻豆助其力至明耕畢放去此所謂節其作息養其血氣也○飢欲得食渴欲得飲物之情也至於役使困

乏氣喘汗沅耕者急于就食或放之山或逐之水
牛之七竅空踈筋力疲乏顛蹶而僵仆者徃徃相
藉利其力而傷其生烏識愛養之道哉○家有一
牛可代七人之力無牛者傭九人挽犁可代一
牛力日耕可種二三十斗如
教小牛必令慣耕老牛同負犂耜使其純熟自然
知耕道矣

造牛衣上用蓑草結綴則利水下用蘆花結絡則溫
煖相連織成如結蓑衣法遇極寒鼻沅微滌腰軟
無力將蓑衣搭牛脊背用麻繩紮繫免致凍損
牛之為病不一其用藥與人相似但大為劑以飲之

無不愈者溺有血傷於熱也以血藥治之冷結則
鼻乾不喘以發散藥投之熱結則鼻汗而喘以清
利藥投之其或天行疫多薰蒸相染則牽避他所
板除沴氣而救藥或可偷生也

牛患氣脹病冷熱相衝傷重損脾先用攻胃散白芷

一兩茴香一兩一錢桔梗一兩二錢蒼朮一兩三

錢細辛一兩一錢芍藥一兩三錢橘皮九錢半官

桂一兩一錢右為末每服一兩用生薑一兩鹽水

一升同煎溫服灌之脾愈鐵烙最良

牛忽肚脹狂走觸人用大黃黃連各五錢鷄子清一

箇酒一椀和勻灌之○牛喫雞出腹脹用燕子屎

一合水調酒調灌之○尿血用當歸紅花為末酒

煎一椀灌之○糞血取龜中黃土二兩酒一升煎

候冷灌之○尾草不食水草用大黃白芷黃連各

五錢為末以鷄子清一箇酒調灌之立效○鼻脹

鼻浮高也用醢醋一盞灌耳中立差○白膜遮眼用炒

鹽并竹節燒存性細研一錢點膜上○身上生虫

用當歸搗爛醋浸一宿逢之○爛肩有用舊絮三四

燒存性麻油即真油調傳忌水○漏蹄月紫礦木指液結

成形若爛石為末猪脂和填漏蹄中燒鐵烙之

血與竭同條

咳嗽用鹽一兩豉汁一升相和灌之

法見日用

○身戰

汗出口鼻冷先灌鹽湯一升細切葱白同煎三五

沸灌之如不差更灌血轉胞者以血轉胞溺塞者也難治○

牛患熱病口黃黑色使青泥四脚不收用白木散

白朮二兩半蒼朮四兩二錢紫苑三兩三錢牛膝

二兩二錢麻黃去節三兩厚朴三兩一錢當歸三

兩半藁本三兩三錢右為細末每服二兩用酒二

升煎放溫草後灌之即差一云用胡麻葉搗汁灌

之立差一云青蘘煎水灌之○牛疫所近處先用

小便使未病牛飲之日三四次則牛不傳染常時

牛喜人小便男子直放注其口則自能吞餌最為

神效。赭土塗於牛角上辟惡。○未發時吐涎者是
瘟疫也。取黃柏研汁白石燒灰二種以酒調和灌
口以防先吐涎不止者取香墨研汁及藍汁各三
合石灰一合酒半升相和灌之。未發時預以羊
蹄汁二三升灌口始發亦灌。○有氣病千金木研
取擁廐水煮千金木與葉待冷灌口。○千金木葉
剉和草飼之。○牛欄中燒安息香蒼朮以鼻吸香
止。○牛得急卒之疫以頭打脅者用巴豆七介去
殼搗爛以麻油和灌之。一云用巴豆介如無則
大黃五枚作末和生油一

兩淡醬水半升灌之仍用皂角末一撮吹入鼻中更用鞋底

於尾傳骨下拍打也之○牛疫抹芭蕉根爛擣絞取

汁灌口每灌一椀雖毒疫連灌三日則百無一失

此草不常有於鄉村預種以備可防牛疫○石菖

蒲淡竹葉

卽綿竹

葛粉鬱金萊菔蒼朮等分為末每

用一兩芭蕉自然汁三升入蜜一兩黃蠟二錢調

下灌之未解則再灌熱極加大黃鼻頭無汗加麻

黃鼻口出血加蒲黃○臘月糟一大升赤茯苓末

四兩石菖蒲末大黃末各二兩地黃汁一升醋半

升小便一大升調和灌之隔日一灌五度卽止仍

鍼鼻毛際一分許血出差。○大黃柴胡各一兩到水煎灌之立差。如無柴胡只用大黃二兩水煎。無兩次灌之以下泄為限。○黃柏剉水煎無量灌之。○真茶二兩為末和水五升灌之。○臘月兔頭燒灰和水灌之。○地龍多取納口中拗其吭使下以差為度。○取大蟾蜍中酥壓之放溺去史頭取肉搗爛和水灌之。○以油塗手探穀道去結屎以通為度。○牛馬時疫獺肉及屎煮汁待冷灌之。一云獺肉肝肚以水煮汁灌之不用屎○牛馬瘟毒黑豆煎水灌之。○牛馬時疫用白水藜蘆等

蕐細辛鬼臼石菖蒲等分粗末燒熏兩鼻令煙入
腹即愈○牛馬疫初發時身體中有小種仔細審
之以燒鐵條烙其腫處又冷水浸腎令體寒為度
又以艾炷如小指大灸神闕穴臍也三壯○牛馬
六畜疫病酒和麝香少許灌之○牛馬百病柳葉
生干乳同搗令爛紅彈子曬乾用時搗為細末
仍和生干乳灌之神效○牛病後腸結不得放糞
白米二升浸一宿研取米生油半升相和灌之差
○牛疥癩用藜蘆為末水調塗之妙○蕎麥穰燒
灰淋洗之

養馬

王良相馬捷法曰頭欲高峻面如瘦而少肉耳欲得
小耳小則肝小識人意堅短者性最快眼欲得大
眼大則心大而猛利不驚眼下無肉者多咬人鼻
大則肺大而能奔腎欲得小腹欲厚則腹下廣若
而平腫欲得小腫小則脾小而易養腦堂欲濶肋
骨過十二條者良三山骨欲平則易肥四蹄欲注
實則能負重腹下兩邊生逆毛倒腫者良望之大
就之小筋馬也望之小就之大肉馬也至瘦欲見
其肉至肥欲見其骨今之買馬且看眼鼻大筋骨

廢行立好便是好馬○相良馬法腴骨欲圓耳如
削筒腦骨欲圓眼如垂鈴眼下有肉無則傷人而
如剥兔鼻要寬大上唇欲方口又欲深下唇欲圓
食槽欲寬項長彎曲欲似鷄鳴髻欲茸細髻欲高
排鞍肉厚脊梁欲平腰欲短短促硯骨欲平肋扇
骨欲密後看似狗蹲臆欲平腦堂欲闊接脊骨欲
短脅欲圓前脚欲直節欲近節骨欲廢脰脰骨欲
細前蹄欲圓長欲高腹欲平汗溝欲深外腎欲小
腿如琵琶尾骨欲短尾欲茸細後脚欲曲曲池欲
深鹿節欲曲後蹄欲尖○辨駕馬法頭大而重耳

關慢大口又淺下唇急頰薄冷食槽容骨狹筋細
皮急鬢廢毛廢瞋大盛鐙無肉脊高直肋稀腹狹
跨骨上潤下淺三山高後瞋小蹄下淺腕小膝小
腋下肉急脅下肋潤腹大而垂後脚直高汗溝淺
小尾株高相政毛法兩目間壽星善旋項下帶
纓善旋脑堂靠槽善旋肚下垂證善旋後脚接腹
間謙花善旋其餘皆惡旋也。相壽天法馬目中
五采具及眼箱下有字形者壽九十曼上紋如王
如公壽五十如大四十如天三十如山如水二十
如介十八如四八如宅七旋毛在眼箱上四十在

值箱骨中三十在值中箱下十八口中見紅白光
如灾中看花老壽黑不鮮明盤不通明不壽○相
齒法一歲駒齒二二歲駒齒三三歲駒齒六四歲
成齒二五歲成齒四六歲肉牙生七歲角區缺八
歲盡區如一九歲咬下中區二齒白十歲四齒白
即咬下中區十一歲六齒白十二歲二齒平十三
下皆倣此歲四齒平十四歲六齒平十五歲咬上中區二齒
白十六歲四齒白即咬上中區十七歲六齒白十
八歲二齒平十九歲四齒平二十歲咬上下盡平
二十一歲咬下中區二齒黃二十二歲四齒黃二

十三歲六齒黃二十四歲咬上中區二齒黃二十
五歲四齒黃二十六歲咬上下盡黃二十七歲咬
下中區二齒白二十八歲四齒白二十九歲六齒
白三十歲咬上中區二齒白三十一歲四齒白三
十二歲咬上下盡白○齒左右蹉不相當難御齒
不周密不久疾不備不厚不能久走

馬者火畜也其性惡濕利居高燥忌作房於午位日
夜喂飼中春放淫順其性也季春必陷恐其退也
盛夏必浸恐傷於暑季冬必溫恐傷於寒啗以猪
膽及大膽汁煮粥則肥養馬冬須暖廐夏必涼

棚槽櫃須令潔淨毋得雜以羽髮蛛絲沙石灰土
諸雜穢惡之物食卽瘦生病○喂料時須揀擇新
草節藪粟豆若熟料用新汲水浸淘放冷方可喂
之切忌陳料陳草每夜二三次起喂草若馬不熟
宜加熱料○食有三篇一日惡芻二日中芻三日
善芻謂飢時與惡芻飽時與善芻引之令食常飽
則無不肥刈草麋雖乏豆穀亦不肥細刈去節而
飼之馬肥○飲水一日三次朝飲則小之晝飲則
酌其中暮飲則極之飲時宜以新水切忌宿水夏
暎冬寒亦節飲大槩喂水不謹亦能成疾○冬月

飲訖便須騎驟

飲訖瘡行
帛無傷

○或以鹽水飲者勿多

多則損其腰腹以成腎冷冷則後失○每日寢晚
須看其口色以知其冷熱○日看其糞溺若溺清
糞慢則無病○日中若不乘騎遇草處須拋放令
自在舒暢

放牧法五月後勿放至秋放牧八月望後一日騎出
汗勿過勞着草馬衣過夜拭汗平明刷之無穗長
草一二束啖之淨水一二鉢飲一息乃至還放隔
十日如前法騎勞良馬五度常馬三度
東人經驗收養法冬春騎勞出汗則勿解鞵鞵徐徐

刷毛去鞅鞵則中血汗風則無汗去鞍著馬衣後
去革勒馬大勞則平繫待息氣平飼長草一束後
與折草良久又料一二升和水草啖之又淨水
大斗折草與料三四升和啖常飲淨水馬歇多息
汗未易收則有病更起微生汗如前法養○行路
時不飲水尤忌近歇處戰馬勿倒論○遠行則歇
處良久與空草熟刷刷罷飲飲竟當飼○凡騎馬
遠行歇宜早喂宜遲未喂之先飲水數口方可飼
草不爾必有中結之症
飼征馬令堅實之法細剉芻枚揚去葉全取莖和穀

豆秣之置槽於通地雖復雪寒勿令安厰下一日
一走令其肉熱馬卽硬實而耐寒○馬瘦喂之不
肥者煮料時貫众一二枚同煮久久喂之瘦出自
出○馬雖食草料腹不能充甘草人蔘白朮當歸
各二爻大黃大芩貫众五分為末無水酒一鍾真
油一盞雞卵一箇和早朝灌口高繫不啗水草午
後啗水草未愈再服

治馬咬以殭蠶拭馬唇內外卽不咬○治馬目暈用
霜後乾穀樹葉為細末一日兩度以蘆管吹眼中
○治馬眼骨初發未甚時削柶木如簽子樣以針

橫刺頂上旋毛中向上直挿二寸餘用帛尺卽差
後經痛拔去○初有氣亂髮燒熏鼻流清涕至流
濃涕則愈○白礬四錢青礬彈子大二塊如無代
將礬為末銚子內中必用礬蓋用火飛之熬定後
取出却入炭火燒絕黑煙為度研如粉入小龍腦
點之○初發時釜底黑礬炒等分細末一錢納眼
差○熊膽如小豆大細研酒一鍾半和勻以小杯
徐徐灌之後腹痛則一日不給料卽差○凡馬眼
骨後腹痛灸神闕穴既臍五十壯卽差神驗○治
馬諸腹痛亦灸神闕五十壯神驗○治馬不進水

草方雞卵則一箇鳩卵則二箇去殼取水真油三
合清蜜三合熊膽一戈半大蒜一顆爛研豆淋酒

取黑豆炒令極熟投
酒中名曰豆淋酒

一升和空心灌之至夕先與

草料飽後與水一斗許徐徐飲之不愈再灌○治
馬虫噪重者用葶藶子一合炒令紫色搗如泥桑
白皮一大握大棗二十枚擘去核以水二升煮取
一升去渣入葶藶末調勻適寒溫灌之隔日又灌
重者不過三次○治虫噪十年者醬清如膽汁者
半合分兩服灌鼻內每灌一二日將息不得連灌
帛損馬○虫噪馬鼻沫出梁腫起者不治○治馬

急黃黑汗取舊靴頭皮水浸汁灌之如不效用大
黃當歸各一兩鹽半盞以水三盞煎取半盞分兩
服灌之如再不效鍼破馬尾尖血卽效○治馬啞
喘毛焦用大麻子揀淨一升飼之大效○治馬傷
水騎驟緊急喘息未定時遇水飲之須臾間兩耳
并鼻息皆冷及流冷涕卽此證也用葱一握鹽一
兩許同搗為泥罨於兩鼻內須臾打嚏清水流出
是其效也○又方先燒人亂頭髮薰兩鼻後用川
烏草烏白芷胡椒猪牙皂角各等分麝香小許為
細末用竹筒盛藥一字半吹入鼻中須臾打嚏

清水流卽效更加瓜蒂等分用之則兼治傷水中
結一切病症其效如神不效再吹○治馬中結騎
行遠路安歇肚中熱脂未凝便飼乾草則熱脂裹
草不能消化而成此病用雄雞一隻勿用刀割以
券捷死就熱便開破雞肚取心肝腸嘴爪指中蒂
糞八風化石灰一合用碎剝爛八真芝麻油四兩
調勻灌之立效雞不用肉只用肚中物○又方用
大黃郁李仁穿山甲微炒黃色各一兩風化石灰
一升如無石灰代用朴硝四兩為細末作一服芝麻油四兩釀
醋一升調勻灌之立效如灌藥不透用猪牙皂角

為細末芝麻油四兩同和勻填於後糞中再灌前
藥一服即時便透○治馬大小便不通眼起欲死
須急治之若不急治則死以脂或油塗入手探穀
道去結屎又以鹽細溺道中溺出便差○治馬小
便不通滑石一兩研朴硝研末通牽牛子白者名黑者名
黑者名各二兩為末同溫水灌之未通再灌○治馬
泄瀉好麴末微炒四兩蒼朮末四兩溫泔湯調灌
之未愈再灌○治馬起卧胞轉及腸結用細茅防
風芍藥各一兩以鹽一盞水五盞煮取二盞分為
二服灌後灌前用芒硝鬱金寒水石大青各一兩

水五盞煮取二盞半以酒油各半盞攪勻分二服
灌口中甚妙○馬轉胞欲死用小兒屎和水灌之
立差搗蒜納小便孔中深五寸亦可○治馬頰骨
脹取羊蹄根四十九箇燒灰熨骨上冷則搜之如
無羊蹄根楊柳枝指大者炙熨之○治馬後跨冷
豉忤薑各一兩水五盞煮取半盞和酒灌之○治
馬咀蹄槽下立處掘一尺方埋鷄子許大圓石子
令常立石上一二日即差○治馬黃仁栢雄黃木
驚仁本實似驚各等分為細末醋作糊調冷塗於瘡上
紙貼初見黃腫起時便用鍼遍刺腫處然後塗上

宜小飼不可多與多則不食可惜草料魚又不能
慎勿與水喫水則退脹溺多可一日六七次上草
不可太飽飽則有傷○羊性好鹽需以鹽啗之為
妙春夏宜早放早收若收晚遇午未時熱必汗出
有塵土八毛內即生瘡疥秋冬宜晚放若放早喫
露水草口内生瘡鼻亦成膿○巳時放羊未時還
入

中水先以水洗眼及鼻中膿污令淨次用鹽一大撮
就將沸湯研化候冷澄取清一升注小許於兩鼻
內五日立愈○羊有疥者便宜間別之免致相染

不爾則合羣致死^治疥以藜蘆根不拘多少搥碎

米泔浸籠盛塞口置熱竈邊數日候未時先以瓦

片刮瘡處令赤用湯洗之去瘡甲拭乾以藥汁塗

之再次即愈○疥多漸塗之○一方用百草霜

黑鍋底皮鹽桐油等分調白堊之者多少隨宜用之

養猪

母猪取短豚效綵柔毛者良豚長則牙多一廂有三

牙以上者難肥不須畜小則餵糟不長壯者子效

不同圈子母同圈喜相聚不食壯者同圈則無害

圈不厭小處不厭穢亦須小廄與之避雨盛夏

草生時隨時放牧糟糠之屬當日中則隄八九十
月放而小飼

猪病剗去尾尖出血卽愈○瘡疫者以蘿菔或葉隄
之此物猪好食性涼能愈其熱毒又能宣轉其
腸胃使之流通若不食則難救

養鷄鵝鴨

鷄種取霜落時霜降生者為養春夏生者不可形小毛茂脚

細短者善守窠育雛

設一大園四圍築牆高丈許棘遮其頭中等一行牆
分為四園內各作一屋方廣丈五屋下懸筐內

東西南北各置四大雞棲令雞宿苑二月間先於左園內耕地

令熟做林粥之覆以草一日盡化為土便以雌

雞二十隻大雄雞五隻養於其中如左園中盡即

驅之右依上再粥洒之如此則雞自肥多置穀糠於園用

內洒水令濕則虫自生可作雞食園旁可種蜀黍許以取蔽陰

至秋收子又可飼雞易為肥長口以油和麵捏成

指尖大塊日與數十枚食之或以硬飯同土硫黃

研細每次用半錢許同飯拌勻餵之數日即肥

餵小麥飯則易大

母雞下卵時逐日食內夾以麻子喂之永不肯苑只

下卵矣○下雛十餘日

三十日

無令出窠出窠則鳥

鵠取去○雞初生時飼以燥飯若飼濕飯則臍膿而死若燒柳柴則小者死大者盲

雞初到家便以淨溫水洗其脚足自然不遠走

凡雞雜病以真麻油灌之立愈鷄中蜈蚣毒則研

茱萸飼之○若遇瘟疫一雞染之餘雞皆死即須

以藍威雞叉口懸掛或移於閣上則免

食雞黑身頭白者病六指者殺人

鴨種亦取案落時生者為良形小毛茂脚細短者善
守窠育雛○鵝鴨母其頭欲小口上齧有小珠滿

五者生卵多蒲三者為次○鵝鴨宜以一歲再伏者為種大率鵝三雌一雄鴨五雌一雄鵝鴨貪伏不起者可為種其數起者不任為種

鵝鴨抱時皆一月雛出量雛欲出時四五日之內不可聞鼓聲砧聲及猪犬吠叫不可用淋灰泥作抱窠勿令產婦觀省須五六日○鵝鴨以土硫黃飼之易肥○棧鵝易肥法以稻子或大麥煮熟先用磚蓋成小屋放鵝在內勿令轉側門以木棒簷定只令出頭喫食日喂三四次夜多與食勿令佳口如此五日必肥○雌鴨無雄宜多飼豆麥肥壯則

生卵○雌鴨每年五月五日不得放栖只乾喂不
與水則日日生卵不然則或生或不生○將木作
卵置鴨窠誘之生卵尋即收取別置煖處以柔草
覆之

養魚

五字之法一曰養魚二曰養羊三曰養猪四曰養雞

五曰養鴨鴨經曰治生之術有五水畜第一魚池

是也○以六畝為池池中作九洲

可掘丈許深以
磚石里築此

作十洲勿
出水面

求懷子鯉魚三尺者二十介牡鯉三尺

者四介以二月上庚日納池中令水無萍魚必生

至四月納一神守六月納二神守八月納三神守
守者鰾也蓋鰾滿三百六十則蛟龍為之長而將
與飛去有鰾則鰾不飛在池中周遠無窮自謂江
湖也至來二月得鯉長一尺者萬枚二尺者四千
枚三尺者二千枚至明年得長一尺者十萬枚二
尺者五萬枚三尺者四萬枚留長二尺者二千枚
作種所餘皆賣至明年不可勝記所以養鯉者鯉
不相食易長又貴也○凡有魚之所須擇泥土肥
沃蘋藻繁盛為上然必有居人等舍守之仍多方
設法以防獺害凡耶居近湖之所依此法蓄之可

致速留此必然之效也今人但上江撈取魚種塘
內畜之飼以青草歲可反尺亦可供用。一法作
羊圈於塘岸上每早掃其糞于塘中以飼魚如是
則可不必人打草但魚略有微滯耳。池水流去
處揮以簾子以防失魚而簾密則水不流疎則小
魚漏去用大板亂鑿小孔以伐簾子最好。若魚
遭毒翻白魚䟽去毒水別引新水入池多取芭蕉
搥碎置新水來處使吸之則解或以溺澆池亦解
養金魚法土地最佳可置於草堂後窓之下土氣自
與水相合其萍藻荇蒂之類自能茂盛而魚得其

水土自然之性游漾於萍藻之間浮沉出沒甚可
觀翫池中當置一二箇上水石山可種石菖蒲於
石根錢蒲於石上又以松竹梅蘭之類多種於上
儼然是一蓬島餵飼當用無油薑蒸餅擊窓櫺而
喂之久久聞其聲熟如有客至扣之其魚自出又
快一時之觀賞

養蜂

三月間蜜蜂移向他所成團飛過急用細沙土洒擊
蜂團當留掛簷簷樹木之間用男子裙襦貯之作
木桶納蜂上開一小竅只容一蜂出入若竅大而

蜂王逃出則舉蜂皆失桶大以米粥塗之以為初

糧蜜蜂滋胤一年增至十三窠

窠穴居也古謂桶也

窠前常

置一水罌蜂不損傷○省其年雨少花稀則其密

必少恐蜂缺食宜以草雞一二隻退毛去腸肚懸

掛窠內可救蜂飢

割蜜天氣微寒百花已盡宜開蜂窠後門用艾燒煙

微熏之蜂皆飛向前去用薄荷葉嚼細塗在手面

上蜂自不螫或用紗帛蒙頭及身或用皮西瓜套

手甚妙酌量存留冬春間蜂食之資餘者揀大蜜

脾以利刀割下脚封其窠將蜜脾用新生布濾淨

不見火者為白沙蜜見火者為紫蜜入磁甕盛之
却將瀝下蜜渣入鍋內慢火熬煎候融化柳相出
渣再熬預先安排錫鏟或瓦盆各盛冷水次傾蠟
汁在凝定自成黃蠟○六月開蜜為良若韭花
後則蜜惡而不耐久○凡蜜有數十等春為百花
蜜色渾而味酸又作腥氣冬為稻花蜜色如凝脂
味亦易酸皆不堪用須擇真純夏蜜乃佳

養鶴

養鶴但要聲喉清者為上頸長而瘦脚高者可觀
鶴病宜飼蛇鼠及大麥煮喂之○鶴食全鰕則死

養野禽

取卵使雞抱之臨啄菹時頻俟視趁其殼毛未燥以
唾塗永則永不颺去如雉鳬鵪鶉鴛鴦等禽皆可

攷事新書卷之廿二

攷事新書卷之十三

日用門

造雨衣歌

茯苓狼毒與天仙貝母蒼朮等分全半夏浮萍加一倍九升水煮不須添騰騰慢火熬乾淨雨下隨君到處穿莫道單衫元是布勝如披著幾重氈

葺屋防大法

法製長生屋論曰嘗見往年腹裏諸郡瓦屋則用磚裏和簷草屋則用泥圻上下既防近燒且易救護又有別置府藏外護磚泥謂之土庫火不能入以

此推之凡農屋居屋倉屋牛屋皆宜以法製泥土
為用而椽上鋪板板上傳泥泥上用法製油灰泥
塗飾待日曝乾堅如瓷石可以代瓦凡屋中內外
材木露者通用法製灰泥巧慢之可免焚燃之患
名法製長生屋又豈特家農所宜哉高堂大厦盡
依此法可以為永久萬全之計也○法製灰泥法
用磚屑為末白善泥桐油枯如無桐油枯以油代之革炭石
灰等分為末糯米膠調和地面為磚摸脫出趁濕
于良平地面上用泥慢成一片半年乾硬如石磚
然巧慢屋宇則加紙筋和勻用之不致圯裂塗飾

材木上用帶筋石灰如材木光處則用小竹釘簪
麻鬚惹泥不致脫落

治油衣法

以木麥末鋪上下紙隔定以熨斗熨之即無跡用
滑石末糝上無熨頻搜即去東壁土上可除油污
衣勝石灰滑石○以蘿菹煎水洗之則雖經久者
皆效

治血汚衣法

用冷水洗可去如以熱湯洗即不落

治墨汚衣法

嚼生杏仁旋吐旋洗嚼粟飯亦可○口噙水以筋頭
滴水洗卽去

去衣垢法

合歡皮及葉可洗衣垢又梅葉搗碎湯洗衣垢易脫
又芋煮汁洗衣垢白如玉又赤小豆粉鮮油衣粘
綴甚妙又皂角湯去垢最妙○取白菖蒲不犯鐵
用銅刀薄切曬乾搗作末於水盆內攪了後將衣
服只可擺少時垢膩自脫落白淨○衣服濕蒸寢
色者用冬瓜或銀杏蒜洗之

收藏果實法

以下至救荒
皆係飲食

收藏生果。釐地為深坑，藏之以木板，蓋之可留不乾。
●諸般果子，以乾沙或以芝麻拌和，新瓮收之，密
封其口。○鑿生大竹作穴，納果其中，而塞之，色味
經歲不變。○臘雪水淹藏，一切果實良。○酒糟藏
物不敗，可掩瓜果。

收藏青果。凡遇時果，出用銅青研細末，與果同臘水。

收貯顏色不變，如新。凡青梅、桃李、林檎、小棗、葡萄。

蓮蓬、菱角、甜荻、梨子、柑橘等果，皆可收藏。

收藏松子。

子即栢

以防風，數雨裹則不油，防風亦不

壞。○以疎布帟盛掛，當風處不膩。○以燈心剪碎。

收之不朽○松仁之類蒸壞不可食者攤置紙上
焙之如新

收藏栗子夏小正曰栗零而後取之不言剥之霜後

收栗子投盆水中去其浮者漉出沉者拭乾晒少
時以無水氣為度先將沙炒乾待冷用新沙罷收

貯沙一層栗一層若九分滿不可太滿用箬葉一重覆

蓋以竹篾按定掃淨地將甕倒覆略以黃土封之

逐旋取用不令近酒氣至未春不壞○取栗子一

擔蓋二斤化水浸一二宿漉出晒乾以芝麻二石
拌勻於荆國內收之永遠不壞食之甘美○陳栗

水浸一宿許焙乾其皮皆貼殼食之如新

收藏缸棗將大缸刷淨拭乾以熟米醋澆缸內蕩令
淨控乾又以熱香油勻擦缸底鋪粟稗草一重棗
一重中心四圍亦令草間蓋不可重壓久留不生
蛀虫

收藏梨子初霜後卽收梨性最怕凍宜頓暖處最忌
酒慎勿喫宴餘同收久有酒處亦不宜藏○揀不
損大梨取不空心大蘿蔔押梨枝以紙裹置暖處
至春不壞○梨子別取廢者一顆以數顆挿其上
頓暖處不壞

收藏红柿每箇以櫟葉厚裹盛於柵兜柳筍等兜結
架樹間頓置其上仍以苫厚蓋不使兩旁透入則
久留不損○红柿未熟者以冷鹽湯浸之過歲顏
色不變

收藏桃子以麥麴煮粥入鹽候冷傾入新瓮中取桃
納粥內密封瓮口冬月食之如新桃不可太熟但
擇其色紅者佳

收藏林檎每一百箇內取二十箇搥碎入水同煎候
冷入瓮中密封瓮口久留愈佳○以臘水盛瓶缸
用銅青末同入收貯顏色不變

收藏石榴棟大者連枝摘下用新瓦瓮安排在內用
紙十餘重密封可留不壞○石榴以新罐盛頓陰
僻處不乾

收藏葡萄以蠟裹頓罐中再溶蠟封之至冬不壞○
酒浸葡萄盛以新瓦瓮密封懸掛當火處則不壞○
以臘水盛瓶缸用銅青末同入收貯顏色不變

收藏柑橘取蒂硬者押於羅葛裏紙置暖處至春不
壞○柑以燥松毛逐層鋪頓無酒處不爛○金橘
頓銀錫甕內或雜以油麻藏之經久不壞○金橘
着於菜豆中藏之經時不變橘性熱而豆性涼故

能久也。橘橙之屬藏菜豆中極妙不宜頻近米

邊

造煎果法

凡煎果者酸者用熱湯化朴硝放冷浸去酸味軟嫩者只煉蜜放冷澆在果子上淹一宿其酸味自去漉出淘過控乾并先煉熟蜜復入煎五六沸放出冷再入舊蜜內煎如琥珀色去蜜置甕中煎時須用銀石砂鉢為佳

以半蜜半煮十數沸乘熱控水乾別搜純蜜入砂石鉢內用文

武火再煮取其色明透為度入薪缸盛貯時復看視後覺蜜酸急以新蜜煉熟易之

煎白梅先用湯盪白梅肉候冷浸之却控乾煉蜜浸

之如前法

煎青梅青杏刮去皮用銅青極細末銅器內勻滾令
綠色然後用生蜜浸但覺有酸氣便搗蜜至三五
遍自然不復酸可以久留銅青不拘多小但滾勻
便可

煎杏一百箇鹽半斤淹三日出晒半乾冷水洗過

晒乾去核以熟蜜三斤浸之曬蜜乾為度

煎桃桃一百箇去皮核切作子先以蜜熬去酸水片

然後另用蜜煎撈出曬冷收之

煎櫻桃四月摘去核以蜜半斤銀石器內慢火熬前

出水控乾再入蜜二斤慢火煎如琥珀色為度放
以磁甕收貯

煎木瓜先用蜜三斤或四五斤於砂石銀甕內慢火
熬瀘過次將木瓜去皮穰核取淨肉一斤切作方
寸大薄片入蜜同煎如滾起泛沫旋旋掠去煎至
二三時嘗味如酸入蜜須要甜酸得中用匙挑出
放冷器內候冷再挑起其蜜稠硬如絲不斷者為
度若火緊則焦味又不佳但慢火為佳

煎藕初秋取藕新嫩者沸湯淖過半熟去皮切條
或作片每片用白梅四兩以沸湯一大碗浸一時

漉出控乾用蜜六兩煎去水另取好蜜十兩慢火煎如琥珀色放冷入罐貯之○熟灌藕用絕好真粉八蜜火許灌藕內從大頭灌入以油紙包札爛煎切片啖之

煎薑社前取嫩芽二斤洗淨控乾不用鹽淹以沸湯淖過漉乾用白礬一兩半搥碎湯泡一宿澄清浸薑二三宿漉出再控用蜜二斤煎一滾放冷却於磁甕內入蜜薑約十日半月別搜蜜一斤半若留經年搜蜜兩次

煎冬瓜十月取經霜老冬瓜去青皮近青邊內切作

瓜子沸湯淖過放冷以石灰湯浸四宿去灰水同
蜜半盞於砂鉢內煎熟下冬瓜子煎四五沸去
蜜水別入蜜一大盞同熬候冬瓜色微黃為度磁
甕收貯候極冷方可蓋覆

煎筭五月取筭十斤和殼煮七分熟去殼隨意切之
用蜜半斤浸一時許曬乾却用蜜三斤煎滾掠淨
入筭拌勻磁甕內收貯久留不壞

煎桔梗二月揀均大者以米泔水浸去皮反爛者以
井水煮取出以蜜四兩慢火煎蜜盡為度并用蜜
半斤浸日中曬乾蜜為度以磁甕盛貯并煉蜜添

造紅花子淘去浮者白肉搗碎入湯氾汴更搗更煎
汴鍋內沸入醋點之似肥肉入素食極珍美
酥杏仁杏仁不拘多小香油煤焦燻變色為度候冷食
極脆美

煎造茶湯法

煎茶須用有焰炭火滾起便以冷水點住伺再滾起
再點如此三次色味皆佳。湯不欲老老則過苦
聲如澗水松風不宜遽淪惟移瓶去火小待其沸
止而瀹之方為合節。茶宜焙不宜曬

杞菊茶用野菊花一兩枸杞四兩恭茅五兩芝麻半
斤同研為細末篩過如喫時用一匙八塩少許酥
油不拘多小以一滾沸湯調服

拘杞茶不深秋摘紅拘杞子同乾麵拌和成劑擇作
餅樣曬乾研為細末每茶一兩拘杞末二兩和勻
入酥油三兩香油亦可旋添湯攪成稠膏子用鹽
少許入鍋煎熟飲之甚有益明目

溫棗湯大棗去核用水熬汁生芋汁和蜜同將三味
調勻入磁罐內攪令稀稠得中一大匙沸湯點服
冰芝湯乾蓮實一斤帶皮炒極燥搗為細末粉草一

兩微炒右為細末每二錢入鹽少許沸湯點服蓮
實搗至黑皮如鐵不可搗則去之世人用蓮實去
黑皮及澁皮並心大為不便黑皮堅氣而澁皮佳
精世人多不知也此湯夜坐過飢氣乏不欲取食
則飲一盞大能補虛助氣

茴香湯入炒茴香細末一兩檀香末少許只省滋
味如何隨意加減沸湯點服
杏酪湯杏仁三兩半浸百沸湯蓋定候冷如是五度
搗去皮尖入砂盆內細研次用好蜜一斤煉至二
三沸看涌掇退候半冷旋傾入香泥又研和勻

鳳髓湯松子

子相

胡桃肉湯浸去皮各一兩研爛次入

好蜜半兩和勻每用沸湯點服

醍醐湯烏梅一斤搥碎用水兩大碗熬作一碗澄清

不化鐵器次將縮砂礪半斤蜜五斤同梅水於砂

石罈之內熬候赤色為度冷定入白檀末二錢麝

香一字

實鑑曰烏梅肉另末一斤草葉一兩縮砂

沸攪勿磁罈

檀香各五錢並作細末入煉蜜五斤微

栢湯

栢側

採取嫩葉線繫垂掛大瓮中紙糊其口經月

視之如未乾更閉之至乾取出為末如不用瓮置
蜜室中亦可而但不及瓮中者青翠此湯可以代

茶夜話飲之尤醒睡味大苦則少加山芋尤妙

木瓜漿木瓜一箇切下蓋去穢盛蜜却蓋了用簋簋
定入甑蒸軟去蜜不用削去其皮列入熟蜜半盞
薑汁少許搗研如泥以熟水三大椀攪勻濾去滓
盛瓶內井底沉之

五味湯五味子滾湯浸一宿取汁同煎下濃豆汁對
當的顏色恰好同煉熟蜜對入酸甜得中慢火同
熬一時許涼熱任用

造粉麪餅法

藕粉取麩者淨洗截斷雄中搗爛布絞取汁以蜜布

再瀝澄去清水如汴稠難澄添水攪卽澄為粉上
服之輕身延年○蓮子粉芡仁粉取新熟者蒸熟
列日晒皮卽開卷作粉如上法入肉作羹○菱角
粉去皮作粉如上法○薑粉以生薑搗爛瀝汁如
上法和羹○葛根粉去皮作粉如上法○枲城葛
粉最好和菜末作麪能解渴出沙土中者尤佳
千金麪麪卽糜食之類用白麪六斤蜜二斤香油二斤白茯
苓四兩生芋去皮四兩乾芋炮二兩甘草二兩為
細末拌勻搗為塊子蒸熟陰乾為末每一匙冷水
調下可經百日不飢飽盛之可留十年

山薯麩取山薯去皮薄切晒乾簸中接為粉篩如常
麩食之加酥蜜為醇麩尤佳

紅絲麩鮮鰕二斤淨洗搗爛用川椒三十粒鹽一兩
水五升一處煮熟揀去椒瀝汁澄清入白麩三斤
二兩豆粉一斤搜和成劑布蓋一時許再搜捍開
用米粉為糝潤細土意切煮熟其麩自然紅色用
汁任意只不犯猪肉恐動風氣

玲瓏撥魚白麩一斤調和稠糊以肥牛肉或羊肉半
斤碎切如豆入糊攪勻用匙撥入滾湯麩見湯開
肉見湯縮候熟麩浮肉沉如玲瓏狀下鹽醬椒醋

調和食之極有味

山藥搗魚白麪一斤豆粉四兩水攪入搗爛熟山藥

同麪一處攪勻用匙撥入滾湯候熟食之

山芋餽飪

世說注曰北人食麪名餽飪又曰餅謂之餽

煮熟山芋去皮搗

爛細布紐去滓和麪豆粉為料捍切麪細任意加
熟二十沸如鐵至百沸軟滑汁食之

柿糕糯米一斗乾柿五十箇同搗為粉如乾棗泥拌

搗篩過上甑蒸熟入松仁胡桃仁再拌成團蜜澆

食之

栗糕栗子陰乾去殼搗為粉三分之二加糯米粉拌

潤蒸熟食之

防儉餅以栗子紅棗胡桃柿四果去核皮於碓內并同搗爛揉勻捻作厚餅晒乾收之以防荒儉之用石茸餅瞿麥春篩百匝調蜜水雜石茸蒸於鍤甑其味甚佳雖瓊糕糯米餅遠不逮焉

造飴糖法

飴糖

本草曰諸米皆可作以糯米煮粥候冷入麥芽

惟以糯米作者入藥末候熟取清再熬如琥珀色者謂之膠飴可入藥其滓白堅強者謂之錫飴不可入藥只可啖之而已○一云以大米炊飯仍置甑內乘熱入麥芽末

及溫水米一斗約入麥芽一還覆鼎蓋留糠火於
鼻底使不至冷過半日後飯化為水只有米皮仍
以布絞下米水於鼻內再熬成糖熬時置甕鼻內
以防沸溢

造煎藥法

白薑五兩桂心一兩丁香胡椒各一兩半已上另為
細末大棗蒸去核取肉為膏二鉢三鉢阿膠煉蜜
各三鉢右先熔膠次入棗蜜消化乃入四味藥末
攪勻煎微溫下篩貯甕待凝取用

造粥飲法

栗子粥小栗去殼切如米粒每粳米一升栗肉二合

同煎

百合粥生百合

辛夷根花白者佳

一升切蜜一兩同煎熟

防風粥俗補屏風藥粥乘露曉摘防風初芽令不見日精養稻米煮為粥半熟投之候其沸移盛於冷

瓷碗半溫而食之甘香滿口三日不寒

山芋粥

薯

山生者佳去皮於石上或新瓦上細磨

如泥二合蜜二匙牛乳一鍾於慢火上極熟不極熱則

喉

乃投白粥一椀中攪勻食

牛乳無

枸杞子生研取汁粥一椀入汁一盞加熟蜜少許同

煮食

茯苓去皮剉如彈子大水浸去赤汁蒸熟晒乾作末

水飛熬能補心腎

牛乳粥煮粥半熟去米湯下牛乳代米湯煮之候熟

挹置椀中每椀下真酥半兩置粥上溶如油遍覆

粥上食旋攪甘美無比○今內局煮法牛油一升

和水二合慢火三四沸去其浮漚用他乳以水少

許調心末二合

者粥滑燥加減心末

乘乳之沸以匙掉和心

末一沸後用蓋湯調味適其鹹淡以磁甌火乳而

注盛之○作心末法取米精舂沉水作末用焙籠

火乾更舂作末以帛篩篩下三四次用之久貯則
致傷每五六月改作為妙或以米沉水用磨石磨
之水飛晒乾尤佳○作鹽湯法鹽一升水二升同
煎至七八合用細篩篩之盛於淨甕待其滓沉下
去滓用之○服乳必停冷啜之熟食即壅○凡乳
酪與酸物相反
雞粥陳肥雌雞爛烹解散篩下去脂下粳米心適鹹
淡候熟下雞卵數箇調和煮一沸出

造蔬菜法

造乾菜法乾笋五月取笋肉一百斤用鹽五升水一

小桶調鹽漬笋半餉取出紐乾以原酒水澄清煮
笋令熟撈出壓之晒乾臨用時以水浸軟就以浸
笋水同煮之其味尤佳○晒乾笋五月取鮮笋去
皮切開沸湯淖過晒乾收之臨用時以米泔水浸
過如新用鹽湯淖過者卽是鹹笋○乾蕨菜三月
採嫩蕨菜蒸熟以乾拌之晒乾洗去灰又晒乾灰
收之臨食以湯浸令軟葱料油醬炒熟味佳○晒
薑菜俗名夏至後摘薑菜花不拘多少沸湯淖過
乾控小用鹽拌勻良久晒乾以紙帛收貯臨用湯
浸油鹽薑醋拌食○晒蒜薑五月揀肥嫩者用鹽

湯淖過晒乾臨用時湯浸令軟調和食之與肥肉
同造尤佳○蒸乾菜三四月間將大窠好菜洗淨
略乾入沸湯內燂五六分熟晒乾用鹽醬花椒沙
糖橘皮同煮極熟又晒乾再蒸片時以磁甕收貯
用時著香油揉微入醋飯上蒸過食之

煮新笋以沸湯煮則熟而脆味尤美若萑者少入薄
荷同煮則不萑與肉同煮不用薄荷亦可

造熟笋鮓五月切作片子沸湯略淖過控乾入葱蒜
茴香花椒紅麴研爛并鹽拌勻同飲淹一時食之
造蒲笋鮓五月取生者一斤寸截沸湯淖過布裹

壓乾薑蒜熟油橘紅紅麴粳米飯花椒茴香葱拌
勻入磁甕內一宿可食○藕梢鮓四月採取生者
寸截沸湯淖過鹽醃去水葱油小許薑橘紅茴香
粳米飯紅麴研細拌勻荷葉包隔一宿食之

蓆蔔

卽花鮓

四月採嫩花作鮓極香美

蒜茄深秋摘小茄兒去蒂揩淨用醋一碗水一碗合
和煎微沸將茄淖過控乾搗蒜并鹽拌勻納磁罐
中○蒜黃瓜如前法○蒜冬瓜揀大者留至冬至
前後去皮穰切如一指闊條以白礬石灰煎湯淖
過漉出控乾每斤用鹽二兩蒜瓣三兩同搗碎拌

勻裝入磁甕添熬過好醋浸之

芥末茄小嫩茄切作條不用洗晒乾多着油鍋內加
鹽炒熟入磁盆中攤開候冷用乾芥末拌和收磁
罐中

豆芽菜揀菜豆水浸二宿候漲以新水淘控乾用蘆
席洒濕鋪地糝豆於上用盆甕覆一日洒水二次
以濕蘆覆之候芽長一寸許淘去豆皮沸湯淖芽

醋油鹽和食之

醋薑八月取嫩薑炒鹽淹一宿用元酒入釀醋同煎
數沸候冷八瓶箸葉扎口泥封

糟薑社前取嫩薑去蘆擦淨用酒和糟鹽拌勻入磁
壚中用沙糖一塊箬葉扎口泥封七日可食○糟
茄七八月間揀嫩茄去蒂用沸湯候冷和糟鹽拌
茄入壚箬葉扎口泥封○糟瓜菜用石灰白礬煎
湯冷浸一伏時用酒泡糟鹽入銅錢百餘文拌勻
淹十日取出控乾別搜糟鹽酒再拌入壚收貯箬
葉扎口泥封候熟取食

淹韭菜霜前揀肥韭無黃梢者淨洗控乾於磁甕內
鋪韭一層糍鹽一層淹二三日翻數次裝入磁罐
用元酒和香油少許拌勻收貯○淹韭花取花半

結子時摘去蒂梗每斤用鹽三兩同搗爛以磁甕
中或乾韭花中淹小黃瓜小茄兒別用鹽淹去水
待一二日入韭花拌勻收貯瓶底用銅錢七妙

黃花菜

萱草名
廣菜

六七月間花方盛去花鬚淨水微煎

一沸和醋食之入口覺有仙味柔滑疎淡味勝松

茸菜中第一也中朝人王通判君榮作菜食之

沉汁菹茄九月以茄放一分醬一斗麴三升和沉埋

盛熱馬糞經三七用

山芥沉菜擇其精好者淨洗盛於甕中以熱水

以手入

爛傷注之而合其蓋置於溫煖以衣被覆之一食

為度

頃許取出則其色漸黃和醋醬食之與蘿菔薄片

芽蔥白同沉則辛味少減食之尤佳

香蒲

烏蒲黃苗

菹鮓春初生嫩茸啖之甘脆大羹可為鮓

或為菹養生書曰蒲笋作菹甚佳

熊蔬四月念晦間蠶上薪時摘葉去其傷破者擇精

累置之火加水漬磨於木瓢中使其汁盡出後入

盆注水以石壓之常令水加葉上至冬取出色黃

甚軟果飯喫之其味極佳

鮓魚肉法

凡燒肉忌索柴火○燒肉用簍子揀拔炭火上蘸油

去麤皮煮肉用芝麻花為末置肉上則油不流○
煮諸般肉用紙封鍋口或以楮實同煮則易爛其
味香美○煮肥肉先用芝麻花茄花同物料調稀
糊塗上火炙乾下鍋煮熟○夏月熟肉單用醋煮
可留旬日○夏月用磁甕盛熟肉於鍋中少貯水
燒滾候冷再燒常令熱氣不絕可留一二日不壞
○煮陳肉待滾時將燒紅炭數塊淬之則不酸敗
肉用胡桃三箇每箇鐫十數竅同煮其臭氣皆入
胡桃中

治鹿肉法經云數肉雖多惟鹿可食蓋食靈草異其

衆也

醃鹿尾刀削去尾根上毛剔去骨用鹽一

錢輸錢五分填尾內杖夾風吹乾○醃鹿脯淨肉

十斤去筋膜隨縷打作大條用鹽五兩川椒三錢

葱蒜四兩好酒二升和肉拌淹每日翻兩遍冬三

日夏一伏時取出以線逐條穿油搥晒乾○冬鹿

肉煮半熟燒法見上○煮鹿舌尾冷水下慢火

煮水小火慢不損味○煮鹿肉冷水下煮七八分

熟煮過則乾燥無味○鹿羹用肉不拘多小洗淨

控乾先以醋酒多醋少浴過用花椒茴香紅豆桂

皮俱為細末量肉多少下之却將酒醋醬拌勻加
葱白數莖入磁甕密封其口用重湯慢火煮只候
軟爛方可食

煮牛肉滾湯下不蓋慢火養熟○雪下覓炙取牛肉
作片以刀背搗之使軟插串和油鹽壓置待其盡
八用慢火燒之乍浸水旋出更燒如是者三又塗
油荏而更燒之極軟味佳○牛肉去其筋骨與雞
肉爛搗和以油醬印於小刻板暫乾食其味極而
佳

洗猪肚用乾麪洗猪腸用砂糖則不腥○糟蒸猪肚

將一箇洗淨將黃地芫黃洗淨搥碎裝入肚內令
竹簽簽住用醇糟包肚放在罐內重湯以文武火
蒸熟為度○猪肉三斤作一段每斤用淨鹽一兩
擦勻入缸醃數日逐日翻二三遍却入酒醋再醃
三五日翻四五次取出控乾先備百沸湯一鍋逐
旋將肉入湯蘸急提起趁熱以香油勻刷掛當煙
頭處熏之日後再用臘糟加酒拌勻塗肉表裏再
醃十日取出掛厨中煙頭上若人家煙小用糠煙
上熏十日使其煙晝夜不絕羊肉亦當依此法○
猪皮水晶膾猪皮刮去脂洗淨每斤用水一斗葱

椒陳皮以許慢火煮皮軟取出細切如縷却入原
水內再煮稀稠得中用綿子濾候凝卽成膾切醃
醋澆食

煮羊肺肚胎髓切洗入以罐煮用生薑三斤椒鹽各
以許葱三握濕紙覆罐口勿泄味慢火煨候半熟
再切細添些酒再煮軟供○蒸羊羊一隻擇淨去
頭蹄腸肚等用地椒細料物酒醋調勻澆肉上浸
一時許入空鍋內柴棒架起盆合泥封發火不得
大緊候熟內碗另供原汁○膾羊肝薄切攤紙上
血盡縷切羊百葉亦縷細入薑蒜醋澆供炒葱油

沫過不腥

煮熊掌用石灰沸湯拭淨布纏煮熟或糟木佳
煮兔肥者一隻煮七八熟拆開縷切用香油四兩煉
熟下肉八鹽少許葱蒜一握炒片時却將原汁澄
清下鍋滾二三沸入醬些少再滾一二沸調麪絲
更加活血兩杓滾一沸看滋味添鹽醋少許

糊犬黃者大補黑者次之用犬一隻退淨剔去骨鹽
酒醋浴過每肉一斤用醇酒一盞醋一盞白鹽半
兩油醬少許細料量下拌勻用冬瓜一箇切去蓋
取出穰將肉盛於內仍用蓋合了又用竹簽簽定

紙封固不令漏氣又用稻草紐索將冬瓜纏定又
用鹽泥固濟却用稻糠火燒半着却將冬瓜埋在
火中煨過一宿至次日剖開食之其冬瓜亦可食
此法最佳如無冬瓜只用瓦罐煮之亦佳○犬一
隻去皮與骨先以骨交安於鼻中只洗其腸而他
臟及肉並皆勿洗於水洗則生臭剖裂作片與油醬及
胡椒川椒等諸料物調勻置於骨上以陶甕坐安
於鼻口用麪調塗其隙勿令泄氣貯水於陶甕內
仍以藁草慢火煮之待其陶甕水熱易以他水三
易則肉已爛熟用空石二三立足矣其味極佳少

無犬臭

炒雞雞每隻治淨煉香油三兩炒肉八荳蒜鹽半兩
炒七分熟用醬一匙同研爛胡椒川椒茴香入水
一大碗下鍋煮熟為度加好酒些少老好口七香
雞用陳肥雌雞去毛淨洗從下作次出其腸肚桔
梗煮浸去苦味一鉢芋四五片葱一握川椒一握
清醬一鍾醋油各半鍾子右七味和雞納於雞腹
內滓如有餘同盛於砂瓦缸中用油紙封其口又
以砂櫟蓋之昇水重湯候熟食之雞味中第一上
品也

煮鴨用櫻桃菜數斤同煮則易軟○醃鴨卵雌鴨雖無雄多喂豆麥肥壯則生卵自冬至後清明前皆

可醃每卵一百箇用鹽十兩灰三斤拌勻以卵蘸

米飲於鹽灰內滾成團收乾瓮內可留至夏

洗魚滴生油數點則無涎煮魚冷水或滾湯下末香

則不腥○烹魚時入酒少許則骨爛如粉○蒸鱖

魚

昂葦

去腸不去鱗糝紅茶末去腥淨洗切作大

段盪鑼威先鋪薤葉或茭或笋片酒醋供一椀菜

和鹽醬花椒少許放滾湯內頗熟供或煎食少用

油油自出

粉骨魚鯉魚洗淨勿切碎鹽醃得酥魚腹內納細料
物椒芋葱蒜鍋內著水八酒杯盞放下魚糕楮實
末三錢蓋定勿走氣慢火養半日或一夜放冷置
盤中其骨如粉○取生鯉繫懸而割其尾出血則
無臭

梔子湯大魚去皮骨取肉細剉肥牛猪或雉雞肉亦
細剉合椒芋茵葱真油等物料為丸罌子大中藏
海松子一箇醬與水調醃淡沸之取雞卵或菜末
為衣淖過食之
魚生膾去尾肚皮薄切攤白紙上晒危時細切如絲

以蘿蔔細剝布紐作汴芋蒜少許拌魚膾八櫟以

芥辛醋澆○魚熟膾鯉魚皮鱗不拘多少沙盆內

擦洗白再搜水濯淨約有多小添水加葱椒陳皮

熬至稠粘以綿濾淨以鰾少許再熬再濾候數饌

切作膾用黃韭生菜木犀鴨子笋蒜簇鹽芥粹醋

澆○膾醋煨葱四莖芋二兩榆仁醬半盞椒末二

錢一處搗爛入酸醋內加鹽并糖拌膾用之或減

薑半兩加胡椒一錢

酒魚脯臘月取大鯉魚洗淨以布拭乾每斤鹽一兩

葱薑蒜川椒各少許和好酒同醃令酒浸過魚一

寸逐日翻動候滋味透取出晒乾削食○酒麪魚
淨洗大魚切作手掌大用鹽二兩神麪末四兩椒
百粒葱一握酒二升拌勻密封冬七日夏一宿可
食

養蟹秋間多捉蟹無論雌雄盛以竹籃懸置瀑流或
急灘餵以稻穗春末甚肥黃骨白防珍美無比○
淮南人藏蟹凡一咒數十蟹以皂莢半挺置其中
則可經歲○糟蟹九月揀蟹三十介去尖淨拭乾
糟五斤鹽二斤醋酒各半升交沉七日熟留至明
年○酒蟹九月揀肥壯者十斤淨洗用稀棗籃盛

之懸當風處半日或一日以蟹乾為度用炒鹽一斤四兩明礬末一兩五錢好酒五斤同拌勻浸蟹良久取出每蟹一箇揭開臍納花椒一粒用磁瓶收貯更用花椒糝其上以紙包瓶口紙上放鉛粉一粒如小豆大仍將箬葉扎縛封固或用好酒同臘糟五斤拌鹽製造其味亦佳○醬醋蟹揀蟹大者麻皮扎定於溫煖鍋內令吐出涎沫取出每斤用鹽七錢半醋酒各半升香油二兩葱白五握炒作熟葱油醬半兩茴香椒末芋蒜橘皮各一錢同拌勻將蟹排在淨甕內傾入酒醋浸之半月可食

底下安皂角一寸許○醬蟹揀百箇洗淨控乾逐箇臍內滿填鹽用線縛定仰疊入磁甕中以法醬二斤椒末二兩好酒一斗拌勻澆浸令過蟹一指酒少再添密封泥固冬二十日可食○法蟹大者十箇淨洗控乾經宿用鹽二兩半麥黃末二兩麴末一兩半仰疊蟹在甕中以好酒二升同料物傾入半月熟用白芷末二錢其黃易結○沉蟹煮鹽湯極鹹放冷入缸以生蟹洗淨拭乾納於湯中死蟹則腐傷不可食而使湯高於蟹仍入川椒以櫟葉填定沉若其上以木枝交撐待熟取用久留不傷○藥蟹清

醬和鹽煮放冷納蟹入川椒胡椒末等料餘同上

法○沉蟹以燈照則砂取食時不許見燈

石花沉菜淨洗石花加鹽又取蔓菁葱白切作細片
加鹽待其鹽透傾出醃汁煮之野於缸中候其微
溫同沉石花菁葱必使石花與醃汁多小相均置
諸溫處覆以衣被經宿食之

造軟泡法

煮軟泡法造泡不堅壓則軟切作小片每一串揀三
四箇白鰕醃汁和水入煮甕以布加其上使鹽水
透出倒浸泡棗於其中而煮之待其少熟取出別

以石花八於汁中而煮之爛搗生芋和汁以食極
軟美絕佳

造料物法

造大料物法蕪荑仁仁 烏榆良芋蕪揆紅豆砂仁川椒

乾芋炮官桂薤蘿茴香橘皮杏仁等分為末水浸

餌餅為丸如彈○造省力料物馬芹胡椒茴香乾

芋官桂花椒椒 烏川各等分為末滴水為丸每用調

和搥破入鍋出行者尤便

造蕪羹法榆錢不拘多少曬乾磁甌鋪榆錢一層內

撒鹽一層如此相間以漿水熟炊粟飯乘熱傾在冷飯五大日酸便浸

用帛所澆候軟控起用麪滾拌覆蓋盒黃上晒乾

○造麥黃法六月內取小麥淘去浮者水浸烈日

晒每朝揷水至第七日漉出控乾蒸熟覆蓋盒黃

上晒乾造酢用

造酪法婦于半斤鍋內炒過後傾餘婦熬數十沸盛

於罐中候溫用舊甕子內攪勻以紙封罐口酪在

冬月煖處夏月涼處頻放則成酪○牛乳不拘多

少鍋釜中煖火煎之緊則底焦燃馬牛糞火為上

常以杓楊勿令溢出時復徹底縱橫直勻勿圓攪

若斷亦勿口吹吹則解

若酪斷不成其屋中必有
蓋故也宜燒人髮牛羊角

蝦蟇
辟之

候四五沸便止瀉入盆內勿揚動待少冷掠

去浮皮着別甕中即真酥也餘者生絹袋濾濾訖

以甜酪為酵

若無耐酪醬水一合代之亦不可多

大率熟乳一升用

甜酪半匙以杓攪勻火炙磁罐須極乾盛盛時熟

乳人如溫臚為候熟則酸冷則難成以氈絮之屬

覆罐令煖良久搜蓋單生布明朝酪成六七月造

者令如人臚只置冷地勿蓋冬月造者令熟於人

臚○晒乾酪七八月間造之烈日炙酪酪上皮成

掠取更炙又掠取盡無皮乃止鍋中炒少時即出

盤盛曝乾絕時作團如梨大曝極乾收經年不

壞以供遠行作粥作醬細削以水煮沸便有酪味
○炒乾酪用晒乾酪於熟酥油鍋內炒黃色收起
以備遠行食用○乳成酪酪成酥酥成醍醍成醍
酥之精液也

造酥油法用牛犏下鍋滾二三沸自在盆內候冷定
面結成酪皮將酪皮鍋內煎油去渣自在碗內即
是酥油○羊脂一斤豬肉四兩慢火熬濾去滓梨
一箇去皮穰薄切栗肉十箇薄切紅棗十五箇去
核切燈心一小把皂角一寸碎苳蓼子小許熬候
梨乾再濾收貯

收臘糟乾糟用鹽拌揉實泥封則香帶酒味酸不香
收香油夏至間以瓷瓶貯麻油密封以瓮咒蓋之置
瓦屋上立秋間下之則上明油也○臘月宜收香
油若蚕室內點燈諸虫不入用熬膏藥大有神效
婦人搽頭黑光無虱○鳳仙花子取油八錢則佳
造豉以大豆為黃蒸每斗每一斗加鹽四升川椒四
兩同淹春秋三日夏二日冬五日即成半熟加生
羊細切五兩拌勻入甕封口埋蓬艾積草中厚覆
之或馬糞中過七日或二七日乃取用

造醬法

正月雨水日及十月立冬日造醬○造醬忌辛日○
水日造醬則生虫○三伏內黃道日浸豆黃道日
蒸拌忌婦人見則生虫○東坡曰三伏中合醬不
生虫○日未出及已沒下醬不引蠅子○晦日造
醬下面止啼枚不語合醬則虫不生

生黃醬三伏中不拘黃黑豆揀淨水浸一宿漉出八
鍋煮令熟爛取出攤令極冷多用白麴拌勻攤在
蘆席上用麥稽蒼耳葉淹一日發熱二日作黃衣
三日後翻轉烈日晒乾愈晒愈好黃子一斤用鹽
四兩為率汲井華水下高黃子一拳晒之不犯水

生水麪多好醬黃晒多好醬味

黃熟醬黃黑豆揀淨炒熟磨成細末每豆末一斗麪
一二斗八湯和勻作片子蒸熟攤在蘆席上用麥
稽蒼耳葉淹待有黃衣烈日晒乾黃子一斤用鹽
五兩并華水下木高一拳晒之

麪醬白麪冷水和作硬劑切作一指厚片子籠內爛
蒸熟攤晒半日候乾以猪葉蒼耳麥稽淹蓋至黃
白衣上勻為度去蓋物翻轉至次日晒乾刷去黃
搗碎每斤用鹽四兩煎湯泡鹽作水下之

鹽作水
下之

用貫衆
煎湯泡

大麥醬黑豆五斗炒熟水浸半日并浸水入鍋煮令爛傾出候冷以大麥麴百斤拌勻以篩篩下麴用煮豆汁和搜作劑切作大片上甑蒸熟取出攤冷以楮葉淹蓋候黃衣上汁乾再晒搗碎揀丁日或火日下之每黃子一斗用鹽二斤并華水入升和鹽入缸晒之

榆仁醬榆仁淘淨浸一伏時搓洗去浮皮再以布袋盛於寬水中揉洗去涎控乾以蓼汁拌濕同晒乾如此七次每用榆仁一升發過麴麴四斤鹽一斤依造麴醬法製之○榆實作醬食甚香美

東國造醬法大豆揀淨水浸一宿漉出入釜煮令爛
熟取出手摩作團如拳盛於藁簍而每層以藁草
為隔置溫處待上黃衣烈日出晒還置溫處使之
自乾此所謂末醬也末醬一斗以鹽五升和於沸
湯篩其滓放冷先以末醬入瓮仍以下鹽湯與末
醬平晒之觀其水縮更下鹽湯待熟用之○沉醬
時沙蔘桔梗去皮曝乾搗末篩下盛袋沉水去苦
味絞去水入袋沉醬瓮味勝沉醬○生蟹細打絞
取醬肉壓乾蒸熟入袋沉于醬瓮味極好○雞鴨
外微碎外皮入醬瓮味極佳○乾大鰻搗入醬瓮

其味絕美牛肉亦好。獐肉或羊肉兔肉去筋膜
四斤醬麴一斤半搗細鹽一斤一云四兩蒼白細功一
碗良薑川椒並美陳皮各二兩一云各三兩右件用酒
拌勻如稠粥小瓮盛封十餘日。視稠時并入酒味
淡時加鹽用泥封固日中曝之。救醬失味取電
一二升八瓮中即如本味。夜去瓮蓋入霜雪則
好。

造醋法

米醋陳倉米一斗或糯米用水浸一宿炊作飯攤溫
冷麴麴二十兩搗細火焙乾以紙襯地上出火氣

拌飯勻放淨甕內入新汲水三斗又拌勻攪捺平
用紙兩三層密封甕口勿見風向南方安候四十
九日開用小麥二升炒焦投甕火頃取醋鍋內煎
沸入甕上用炒麥一撮醋先不壞取頭醋了再用
水一斗半釀第二醋旬日可食第二醋了又用水
七升半釀第三醋更數日可食第三醋了又用焦
麥半升許入甕內搭色猶可取第四醋醋熟尚如
市上賣者此醋炒不可言未醋熟者蓋謂炒未耳
此法用炒米所以性平口陳倉米五斗不淘淨浸
每日換水二次至七日做熟飯乘熱便入甕按平

封閉勿令氣出第二日翻轉至第七日開再翻轉
傾入井華水三擔又封閉一七日攪一遍再封二
七日再攪至三七日卽成好醋此法甚簡易尤妙
○三黃醋三伏中將陳倉米一斗淘淨做熟硬飯
攤勻候冷定飯面上以楮葉或蒼耳青蒿蓋罨候
黃衣上去蓋物翻轉過至次日晒乾飯去黃衣淨
甕收貯再用陳米一斗做熟硬飯晒乾亦用淨甕
收貯至秋社日再用陳米一斗做熟飯與上件黃
子乾飯拌勻下水飯面上約水高四指紉帛幪頭
至四十九日方熟慎勿動着待其自然成熟此法

極妙

小麥醋小麥不拘多小淘淨用清水浸三日漉出控
乾蒸熟於煖處攤開鋪放蘆席上楮葉蓋之三五
日黃衣上去葉晒乾簸淨入缸用水拌勻上面可
留一拳水封閉四十九日可熟
大麥醋大麥二斗內一斗炒令黃色水浸一宿炊熟
以白麴六斤拌和淨室內鋪席攤勻楮葉覆蓋七
日黃衣上晒乾更將餘者一斗炒黃浸一宿炊熟
攤濕同和入黃子楨在缸內以水六斗勻攪蜜蓋
三七日可熟

秋年醋五月五日或七月七日以秋年米一斗麴鑿爛烹碎麴五升調和東流水一盆并華水亦好沸湯調和盛食以油紙封口可以青色袂以艾編覆之過三七日用之用一盞則還以旨酒一盞添入燒酒尤好釀時菖蒲細剉乾淨調和則好

柿醋柿子欲紅時摘取去蒂盛於瓮內日久待毛生以清酒灌之又將麴子一塊火炙浸之便成好醋醋盡更灌酒浸炙麴用之雖至累年更不入柿棗醋大棗半熟時依上法沉之○菖蒲根剉作醋法依上極佳

糟醋臘糟一石水泡麩糠

春秋四斗夏三斗冬五斗麥麩春秋夏二斗半

冬三斗和勻溫暖處放罈蓋勤拌揉須氣香啞嘗有

醋味依常法製造淋之

千里醋烏梅去核一斤許以醱醋五升浸一伏時晒

乾再入醋浸晒乾再浸以醋盡為度搗末醋浸蒸

餅和為丸如芡實大欲食投一二丸於湯中即成

好醋

收醋法凡收醋須用頭出者裝入瓶每瓶燒紅炭一

塊投之更糝炒小麥一撮箬封泥固或有人燒鹽

者其味反淡○醋瓮下須安磚石以隔濕氣忌生

水醎氣雜手皆易致敗又因娠婦取毀者車轍中
土掬着瓮中飭成好

造酒法

三伏中合麴不生虫○木日造麴則酸○造麴初伏
後最佳中伏後末伏前次之小麥不拘多少磨搗
率麥十斗取麴二斗為准麴酒味薄則先浸萊豆
取汁取粹蕞與萊豆汁和造日未出時漉麴欲剛
量是日人力可踏漉之不可經宿踏欲極堅每團
用蓮葉蒼耳葉密裹懸當風通涼處至十月收之
造麴良好全在剛漉堅踏若不剛漉欲堅踏濃

潰而出若不堅踏麴刀頓失不能殺米○造蓼麴
用糯米以蓼汁浸一宿漉出以乾麴拌勻篩去滓
麴紙囊貯之掛通風處盛夏為之兩月可用造酒
極醇○作酒腐本白米一斗洗淨浸水冬十春秋
五夏三日待米透心潤濕取蒸爛熟入麴少許手
接按十分調勻納缸封口冬置煖處夏置涼處待
消化成酒取用其味微酸澁而滑為好○清朋水
及穀雨水造酒色紺味烈可儲久清明日晨穀雨
酒色紺味烈蓋○秋露繁濃時作盤以收之造酒
取時侯之蒸名秋露白味最香列○中原人釀好酒以泥封口

莫令絲毫漏泄戲之數年其味轉佳總泄漏便不

中用

白露酒

俗稱方文酒

白米一斗百洗作末盛于甕以熱水

三瓶乘沸調和待冷麴末一升半真末一升半腐

本一升調極勻入瓮第三日

四日云過三日待熟

又以白米

二斗百洗熟烹以沸湯六瓶調和待冷與本釀添

麴末一升調和過七八日乃熟以紙心燃火入于

瓮內驗其生熟熟則火不滅生則滅以後勿添

他水欲作昔酒則調水時每斗以二瓶半為限欲

多出則上槽時并華水二瓶添調

一云一斗米用五合是矣添

釀二斗時不可添麴欲使
色白則每斗用麴三合

少麴酒精鑿粳米一斗箒箒百洗作末威陶盆淨水
二瓶合米末滓湯沸以湯水和末勻調候冷和以
麴碎一升五合至七日又以精鑿米二斗如前百
洗先以水湯沸每一斗水二瓶洒勻候冷以前釀
雜調之入瓮至三七日澄清後用之

藥山春正月上亥日白米五斗淨洗浸水好麴麩搗
五升以五瓶水浸之翌日作末蒸熟作餅篩浸麴
去滓將前浸并新汲水漉之合為二十瓶調蒸餅
乘熱入瓶取東向桃枝攪之再三覆油紙布祇置

虛廳日久或有浮漚每每極去至二月晦間五斗
米如前淨洗蒸飯以漆待春末夏初間蟻浮色濃
後用之味甚薰烈酌用時勿令入生水氣此乃十
斗釀酒法所釀多少以此推之○正月上亥日或
日暄則餅及飯候冷入瓮或日寒則過亥日釀之
無妨但添釀此視退日欲久用則倒清盛入砂缸
埋不見陽處則雖經三夏味不變一云每一斗用
麴三合真末三合八水二瓶半亦為旨酒或用三
瓶猶好欲十斗則以四斗為本以六斗添釀而添
釀米沉水極出更不調水而蒸之仍置甕中待其

熱氣少出便納酒本瓮中以東向桃枝并酒本力攪之其餘同上

臺山春某月初一日白米一斗五升百洗細末以冷水七升調勻更以沸湯一斗八升沃晒攪調則米膠待其極冷麴末二升真末二升拌勻入瓮釀之至十三日又以白米二斗五升百洗細末盛廣咒以熱水二斗五升拌勻待冷勿入麴末與前本雜調為二次酒本至十三日白米五斗百洗蒸飯入熱水五斗調極其透潤鋪諸簾席待冷入麴末二升真末一升與二次前本調入瓮置不寒不熱處

露其食不覆則酒味不變過二三旬可飲一法後
次五斗作末蒸熟亦可
三夜酒法正月上夜日粘米一斗百洗作末煮稀粥
待冷麴末真末各一升調和入食次夜日粘米白
米各一斗百洗作末孔餅煮出停冷和前釀約食
三夜日白米五斗百洗蒸飯停冷熟水三銖金調
冷同入過三月用
內蜀香醴法造麴以麥磨之不篩其末每一圓八一
斗碎菰豆一合調和造作○白米十斗粘米一斗
百洗蒸出用熱水十五瓶調和待其水盡入于蒸

飯然後鋪於簾上寒之良久麴末一斗五升腐本

一瓶調和釀之

栢子酒釀法如溫香而但以實栢子二斗與原入麴末一斗同搗爛入酒本調和釀之

胡桃酒釀法與栢子酒同而但以胡桃代之

桃花酒元月將精鑿粳米二斗五升百洗作末活水

二斗五升湯沸和勻候冷調麴末真末各一升入

瓮待桃花盛開復以粳米粘米各三斗百洗經宿

合蒸活水六斗湯沸候冷均調又待飯冷取桃花

二升先納瓮底並前釀和入桃花二三枝插其中

待其熟上槽

一云雖如此初釀減水五升合釀時減三四升味在佳常置寒冷處待熟

蓮葉酒粘白米百洗浸水經宿蒸熟又明日計每斗

入麴末七合熟水二瓶飯與水各甞停冷和合先

鋪蓮葉於瓮底次鋪飯麴層層隔鋪切禁生水日

熱則或味酸須趁霜前葉未枯時香之釀味異常

雖過春夏不變傾瓮取用後以好酒替入香味依

舊

鏡面綠波酒白米一斗水浸經一宿作末以水二斗

作粥待冷入麴末二升調勻作本粘米二斗水浸

經夜蒸熟以熱水三斗拌勻待冷與前本合釀待

熟上槽可得酒五斗。○粘米一斗作末為本白米
二斗或三斗作粥釀法上同色可愛味殊絕末作
多出

碧香酒白米一斗百洗作末用湯水二斗作粥待冷
真麴二斗和合釀之七日後白米二斗百洗濃蒸
湯水二斗均調待冷真麴二斗合合釀待熟上槽法
雖如此麴必小加乃好

荷香酒白米一斗作末造孔餅烹熟待冷麴末五合
抖撒調和釀之第三日又以粘米一斗酒水熟蒸
良久寒之與本釀調和入食不使有客水之氣過

三七日乃可熟

梨花酒正月上亥日前期三日百洗白米浸水出細末細篩不用水捏作塊大於雞卵於瓮中松葉作隔層鋪置房上不煖處七日出鋪草席或生布上晒乾半日又埋松葉又如是一次後出晒令極乾藏置紙囊梨花開後經夏皆可釀之白米如前法末作孔餅煮出停冷以所造麴末拌勻入瓮數日一翻易春一七夏三七可用熟時置瓮水中欲酒稠甘則一斗八麴末七升欲其清烈則入三四升煮餅水停冷調釀或蒸未飯如常釀或粘米釀皆

終始切忌生水作塊時太燥則不堅太濕則中腐
有青點

清暑酒精鑿粘米一斗朝浸活水別以麴末二升分
浸二瓶水同日夕蒸熟和水半瓶待其盡漬舉瓶
就井注洗蒸飯以冷為度去水氣後以浸麴水用
篩除滓拌勻翌日夕盛冷水於大甕以釀瓮安其
中日易水再三六七日上糟甕以盛酒瓶浸水用
之此方只宜暑月

浮蟻酒粘米一斗蒸飯盛甕冷之水三瓶沸湯冷之
以麴一分先調於水與蒸飯調和八甕經三宿末

乃熟澄清後以酒醅少許浮而用之其形如浮蟻
味甘而冽正合於夏飲之用○麴末先^日一浸水
篩下用之妙

清甘酒粘米一斗蒸飯麴末半升不用水以好酒一
瓶半調和釀之其味如蜜

葡萄酒葡萄熟者接取汁同粘米飯白麴和釀自然

成酒味亦美好山葡萄亦可

白酒春夏用糯米二斗^{冬用三斗}放缸內浸水一夜清晨

用新水淘洗数次務要潔淨漉出控乾上甑蒸之
待氣上又加一層如此數次米盡用甑盛蓋上候

其糜將大盆一箇放水架於盆上搗甌架上用熟

井水淋過務要糜冷

冬則用井水淋過幾次復用

放入缸內每米二斗用白酒麴五斗三斗則研細

糝於糜上用手拌勻中間開井四邊撲緊著以簍

箕冬用甌蓬蓋缸口

冬用草薦四邊圍上來日

酒出用盞名酒澆淋四邊如此七日取酒用之

缸發酒醇不來則用甌盛

○一日酒好酒一鉢麴末二升水三鉢白米一斗爛蒸

調勻置之溫處朝釀夕飲夕釀朝飲以糯米作飯

釀尤勝作米造粥釀亦可

三日酒湯水一斗待冷麴末四升浸其水經夜白米
一斗百洗蒸飯爛熟候冷以耶浸麴攪取汁去滓
以其汁調飯釀三日乃飲更入好酒一鉢則尤佳
雜穀酒梁林粘蜀粘黍稷等米中一種或相雜一
斗作末二瓶半沸熟入末攪勻作粥待冷麴末水
真末各二升調和入瓮忌客水過三四日待熟又
以雜米中一種或相雜米或雜白米尤好三斗作末水七
瓶沸湯先入末滓待幾熟次入米末作粥候冷與
前本合釀過七日上槽過半熟後粘米或黍米三
四升作末作粥加釀則味尤辛烈雖雜米必須作

末釀之

地酒白米一斗麴末三升松葉剉一升入缸密蓋掘

地以松枝四圍納缸覆土七月而出

內司紅露酒釀法如香醞而麴則以二斗為限香醞

三瓶二繕燒出一瓶承露時以芝草一兩細切置

于瓶口則紅色濃深則內司以清酒用銀甕煮取

故與外處燒酒不同○露酒方粳米粘米各一斗

浸水作末細麴九升湯水八斗加之亦可交釀過

三日粘米二斗蒸飯待冷與本合釀七日後燒出

易上水十二次則其味平順八九次則味極烈取

火用真木及麥稈藁等而勿使緩急○露酒消毒
方燒出時以蜂蜜塗于承露瓶底則消毒味甚佳
若蜂蜜多則太甘少則無效隨酒多少量宜塗之
○以桂皮砂糖末置缸口則酒味殊絕

煮酒以上好青酒一瓶胡椒黃蜜各一錢用陶缸盛
置於釜內從絃置水煮之經時乃出煮時瓶數多
少任意○酒一瓶入黃蠟二錢胡椒研一錢緊封
口置一撮濕米於其上重湯煮之米成飯即成取
出放冷用

過夏酒粘米一斗箕箒百洗浸又以細末麴五合盛

細袋湯水半瓶候冷浸袋翌日淨水八九合湯沸
候冷將粘米洒勻蒸熟後和以半瓶浸麴水麴末
則不用入缸封口至三日開視其爛熟與否以露
酒灌之若粘釀甘則灌九鎔欲其味烈更加二三
鎔欲甘則量減灌後七日上糟○粘米一斗百洗
水浸一宿漉出晒水三四合蒸熟後以巾拭甕使
無水氣鋪其蒸飯候冷以白露酒數鎔洒調以飯
粒散解為度和麴末五合入缸置不熱不冷處待
其爛熟以露酒灌之甘烈隨意候其飯盡解上糟
蜜酒蜜四升酒九升同煮掠去沫夏月極冷冬月少

溫入麴屑四兩白醪一兩龍腦豆大紙七重掩之
日去一紙七日酒成勿近地氣冬月須用火溫勿
令凍味甘軟○蜜二斤水一椀同熬去沫下白麴
一升半好乾醪三兩每日三攪三日熟甚佳
花香入酒方甘菊盛開時揀摘曬乾用甕盛酒一斗
以菊二兩盛生絹布懸於酒面上約離一指高密
封瓮口經宿去俗酒味有菊香如鵬梅一切有香
之花依此法為之亦可○酒醅欲濃時用甘菊去
萼蒂二兩入醅攪勻次日早榨取其味香味諸有
香無毒之花亦可依此

五加皮酒四五月去外皮用一斤乾則冬月則并外

皮倍入水十瓶煎至五瓶用白米一斗白洗作末

以五加煎水三瓶欲作旨酒用二瓶半乘沸調和待冷麴末

五合真末五合腐本一升調均入瓮爛熟後以白

米二斗百洗熟蒸以五加水六瓶調和待冷與本

釀同和以釀待熟上槽雖釀累斗煎水用麴倣此

為例且凡調水時切勿用他水○百米一斗百洗

入麴末四升以五加煎水四五瓶釀酒煮作露酒

又以粘米五升百洗入細末麴七合用五加水三

瓶釀酒待其味少甘多烈以露酒注于其中以油

紙封置微溫處過七八日上槽○右人云寧得一

把五加不用金玉滿車又曰文章五加一名文章草作酒

金不言貴五加皮蓋上品靈藥也

天門冬酒去皮心搗取汁二斗漬麴二斗麴發以糯

米二斗准家釀法酒封四七日取出澄清飲之造

若得天門冬為末和服尤佳

枸杞酒枸杞子煎五升如糯餲浸麴搗末一升以

糯米五升如洗晒乾炊春夏冷下秋冬稍溫和飯

勻入瓮夏七日勤省勿令熟春冬十日密封閉之

待孰榨濾用之五加皮地黃白朮天門冬酒皆此法准○枸杞春夏

採葉秋採莖實藥書用久服輕身輕氣。枸杞子

漬酒服法正月上寅日採根袖切陰乾一升二月

上卯日漬於清酒一斗滿七日止滓晨服後服於食

四月上巳日採葉五月上旬日漬酒七月上申日

取花恐作莖八月上酉日漬酒十月上亥日取實十

一月上子日漬酒服並如上法河西女子服此酒

得年三百几十五而如十六七歲漢使者得其方

服十三日身輕氣盛百日容顏充麗白髮還黑落

莖更生得三百年不老。枸杞子五升清酒二斗

研搗浸七日去滓飲之初以三合為始後則任性

能補益

甘菊酒甘菊苗釀酒常服可以却老○南陽穰縣有

甘谷水左右皆生菊花隨水中故味甘居人不寒

并飲谷水壽高者四五十歲

石葛蒲酒石葛蒲一寸九節者五月五日採根後取

汁入糯米飯細麴釀酒服通神延年

百花酒百草花煮取汁釀酒服治百病長生

地黃酒糯米一斗生地黃三升細切同蒸爛熟入白

麴如常法拌釀候熟飲之大能和血住顏

戊戌酒糯米三斗蒸熟黃雄犬一隻去皮膈煮一伏

時候極爛搗為泥連汁與飯同拌勻用白麴三兩
和勻釀之二七日候熟空心飲一杯勝常酒一瓶
補養元氣老人尤佳

酒中漬藥法凡漬酒藥皆細切生絹帛盛之入酒蜜
封經春五夏三秋七冬十日視其濃烈便可漉出
取清服之滓可暴燥為麴末更漬飲之○一瓶酒
浸麴末藥三兩為正

救酒不沸法釀酒失冷有三四日不沸者即撥開飯
中夾以好酒傾其中須更便沸○救酸酒法每大
瓶赤小豆一升二升炒焦帛盛浸於酒中酸味即

止

食麪後欲飲酒先以酒嚥去目漢椒二三粒則不為
病○洛陽人劉凡年七十猶劇飲每一飲酒輒一
嗽口雖醉不忘因此無齒疾○醫鑑本草曰酒之
毒在齒每飲一杯卽吸水嗽滌則不醉○養生紀
要云暮毋大醉又云丹三防夜醉蓋恐酒毒停聚
害人臟腑也○晦日不可大醉○杜康善造酒以
丁酉日死故是日不飲酒會客

附
食忌

粥後食白湯成肺疾○銅器合熱食汗滴食中殺人

○醫方云日月蝕未平時特忌飲食又云凡人患
齒病多由月食夜飲食之致○過熱病後食蓴菜
殺人○蜜忌葱蒿苣○蟹葱韭與蜜同食殺人黃
一云燒葱和蜜食挺人氣必殺人○木麥與猪同
食發熱風髮髮落○食果忌桃杏瓊仁有毒勿食
○食桃後入浴成淋疾○果子落地經宿蟲蟻食
之者勿食○九月勿食被霜瓜令人成反胃病○
红柿不可與酒同食○柿梨不與蟹同食○食菌
忌有毛者及下無紋者夜有光者煮不熟者欲爛
無虫者煮訖照人無影者春夏有惡蟲毒蛇經過

者皆殺人○赤色仰面不覆者生田野中者皆毒
○誤食毒菌者徃徃笑不止死而惟掘地為坎投
水攪取清者飲之○食菌中毒昂飲真油觀症輕
重多少隨宜○治菌毒瓢于裏燒灰和水飲之甚
妙○食魚忌魚無腸膽及頭無魴勿食三年陰不
起女子絕生○生魚目赤不可作贈○魚目合者
不可食○鰲目凹不可食○頭髮在魚鮓內者殺
人○鯽魚與麥門冬同食殺人○生魚與牛乳酸
物不可同食○黃頰魚即鮓魚之類與荊芥同食殺人
○蛤肉不可與醋同食○食鳥獸忌牛羊猪肉皆

不得以楮木桑木蒸炙食之令人腹内生蟲○六
畜自死疫死皆不可食○鳥獸自死口不開者不
可食○獸自死並首及伏地者食之殺人○凡肉
及肝落地不着塵土者不可食○燥肉不乾者殺
人○猪肉落水浮者不可食○肉中有如珠點者
不可食○癰疾人不可食熊肉令終身不愈○諸
禽肉肝青者殺人○雞及野鳥不伸足者殺人○
鳥雞白足者不可食○牛與猪同食生寸白蟲○
牛與白酒同食生寸白蟲○食肥肉及熱羹不得
飲冷水○犬肉與蒜同食則損人○白犬肉與生

葱同食九竅出血○牛乳與生魚酸物同食腹中

結癖

此牛酪皆與酸物不同食

附救荒

飢困將死人救活法飢困將死之人若頓食或喫熟物則必死先以生醬汁和水與之次以涼粥與之候其蘇醒漸與粥○飢而有浮氣者如右法救食療後元氣稍實而浮氣不消則千金木皮俗名北木不限多少煮之取汁以米糲汁作粥量飢者之氣候而與之消飢腫極良○千金酒方先以糯米稈濃煎去稈次八千金木皮再煎一二沸待冷入食斟

酌和麴末次日八米粥待熟澄清則味甘美服之
消飢腫神驗凡釀水二盃米一升為准○取松葉
末法松葉安五臟能不飢其實與脂根及皮皆云
辟穀惟葉最能絕粒然必須和以榆皮汁可無大
便秘澀之患○松葉不限多少摘取生者搗取細
末蒸曝用之如搗時自然成片者晒乾易搗或取
葉二斗豆一升炒過乘烈合搗則作末甚易若蒸
搗再末則可減苦味而不蒸者尤有氣力○松葉
搗碎盛帛浸於流水中經三四日取出蒸晒或煨
乾搗末則其味甚甘○松葉末三合米末一合榆

皮汁一升和勻作粥可以朝夕度飢蓋松葉性澁
榆皮性滑和之以穀末能益胃分利二腑不但備
凶歉欲善攝養者用此則勝於五穀膏粱亦可以
治病近年榆皮不產之處則作粥不須用榆汁白水不妨松葉末二合豆
末一合和冷水服之走一息不飢常須盛帶之
○松葉摘取熟搗則葉糜碎成泥須搗之甚熟以
成泥為限和穀末作淡粥舊方初搗成片曝乾更
搗為末為末遲味亦不好至於以榆汁作粥則
味極惡不堪食此方則可以即時為末味亦甚好
○松葉久食大便不通則豆末一二匙和水飲連

二三日即通○以豆末和粥作之或以生豆浸潤
嚼食則大便不堅秘○服松葉生瘡取瀑下靜水
底塵泥塗之即差○松白皮蒸食之辟穀不飢熟
救荒方曰必和穀末而食之乃可以生○松脂一斤白茯苓四兩為

末每晨和水服或蜜凡服可辟穀長生○栢葉同
松脂久服斷穀不飢○榆皮荒歲人食之以當糧
取白皮搗末和水服○榆皮性滑久服不飢採皮
取白曝乾搗末以用而不加取汁之為易且良實
與葉亦可採用○榆皮不拘老嫩採取搗碎盛在
陶甕成木槽浸水取汁用汁盡添水攪之汁出無

窮○榆白皮末一升米末一合松葉末一合白湯
和勻作餅納沸湯中熟過放冷取食○一法榆白
皮末一升米末一合白湯作餅烹食或以油少灼
之作煎餅以食如無油則用蠟灼之亦良○橡實
去皮煮食最益實中令人不飢救荒方曰必加穀末而食之乃可以
生○桔梗淨洗爛烹入飯沉水踏之令苦味盡出
而糜爛成泥和穀末蒸熟或蒸之於炊飯中食之
不飢雖無穀而食亦不飢○葛藤根淨洗去皮爛搗
水飛去其絲取成泥沉漉去水和米末作飯粥泥
食之不飢○白茯苓善能斷穀不飢○取木作散

或作丸服可以代糧有人避亂山中飢困欲死採
木服遂不飢至數十年還鄉里顏色如故○薯蕷
根蒸熟食之或搗粉作麪食之凶年可以充糧不
飢最佳○旋菑根蒸熟食之不飢○萎蕤味甘平
無毒補虛勞與松皮等物同煮熟食之最好療飢

○黃精

其葉相對為黃精不對為
偏精功用劣平安道有之

久服斷穀不飢

甘美易食根葉花實皆可服餌或蒸熟或晒乾
散隨宜凶年可休糧○天門冬取根蒸熟去皮心
食之甚香美荒年取啖足以斷穀止飢○百合採
根蒸煮食之甚益人可休糧○何首烏採根蒸曝

九散任意亦可生啖可休糧○蓮子蓮根菱仁茨

仁皆可休糧○芋上連煮熟食之可以當糧而度飢

年○閣皂山一寺有異僧專力種芋歲收極多杼

搗如泥造塹未恍磚也為墻人莫測其所為後遇大無

民多餓死獨此寺四十餘僧食芋塹免飢人始異

之齊民要術曰芋可以救飢而人或不知此方或

知而不種坐致滅絕悲夫為人牧者安可不督

課○烏芋俗名烏作粉食之或煮熟食令人不飢

漢書荊州飢民採鳬茨而食之范仲淹巡撫江淮

時進此草○蘿菹根早朝煨熟食之不飢不寒○

蔓菁四時皆有春食苗夏食葉秋食葉冬食根可

以備飢歲○蔓菁子水煮三遍令盡苦味曝乾搗
末水服二錢日三次久漸增服可以辟穀○免絲
子酒浸春五夏三秋七冬十日取出蒸熟搗爛作
飯常服之療風疾耐飢有人患風疾後因兵荒收
服數斛舊疾頓愈○薺菜性溫和中利五臟煮粥
喫能引血歸肝蔡西山讀書時常喫薺療飢○羊
蹄根取茅煮羹亦足充腹○二月以後則田蓂山
菜檀葉槐葉蒿葉皆可以救飢而然必和以穀末
而食之乃可以生無穀而食則不得生矣須自穀
物稍有時須當搏節和雜穀食之無使頓盡○生

栗煨熟食之令人耐飢。○黃栗紅棗胡桃乾柿右
四果去核炙碓內同搗團作原餅或印作磚塊晒
乾收用古有異僧預求石物積久至多遇荒歲喫
此全生。○大棗久舂不飢。○海松子研食之不飢
○小柿蒸熟去核大棗亦去核同搗食之足以代
糧。○榛子久舂令人不飢。○食蠟法嚼蠟方寸終
日不飢以蠟合大棗咀嚼則易爛。○大米三合炒
過以蠟二兩熔銚內入米炒令乾嚼數日不飢喫
胡桃二箇卽思食。○黃蠟為油入白麪一斤作煎
餅飽食百日不飢。○黃蠟合松脂杏仁棗肉茯苓

等分為末作丸服五十九便不飢。白茯苓末四兩白麴二兩水和以黃蠟代油燂成煎餅飽食一頓便絕食三日後飲脂麻湯沙潤腸胃。黃蠟松脂白茯苓甘菊花等分為末煉蜜和丸如彈子大每一丸白湯嚙下辟穀不飢。牛全麴每一匙冷水調下可百目不飢。大麥麴小麥麴亦同一斤白茯苓末四兩以牛乳和為方寸餅子煮熟飽食可百目不飢。劉景先服黑豆法景先即永嘉中黃門待郎傳得此法於太白山黑豆五升淘洗蒸三遍曬乾去皮為末大麻

子

俗云虎莊而未詳或

以威鏡道麻子代用三升湯浸一宿漉出曬乾

蒸三遍令口開去皮者末用糯米粥合和搗勻成團如拳大并入甑蒸之從夜至子住火至寅取出盛磁器蓋定勿令風乾每服一二塊以飽為度不得喫一物第一頓七日不食第二頓七七日不食第三頓百日不食第四頓永不飢容貌佳勝更不憔悴渴則研木麻子汁飲之以潤臟腑若要重喫物服葵菜湯以解之或葵子三合搗碎煎湯冷服亦可一方有白茯苓五兩左元放救荒法擇取雄黃黑豆三七粒生者熟按之謂手摩良人也令暖氣徹豆心先一日不食次早以冷水吞下魚肉菜果不復經口

渴則飲冷水初雖少困一數日後體力壯健不復
思食○黑豆一升貫衆一斤細剉同煮香熟及豆
覆令展盡餘汁簌去貫衆只取黑豆空心日淡五
七粒任食草木無妨忌魚肉果菜及熱湯穀日後
不復思食○黑豆炒熟以棗肉同搗為麤麤即糜食之類
可以代食○大豆黃末服餌之可辟穀度飢歲○
胡麻九蒸九曝熬搗餌之斷穀不飢長生又合白
大豆紅棗同蒸曝作團食不飢斷穀○白脂麻蒸
曝服餌以辟穀○荏子蒸熟烈日乾之當口開吞
取米食之亦可休糧青梁米醋拌百蒸百曝可○

作糗糧辟穀○青梁米一斗以苦酒一斗漬之三
日出百蒸百曝好果藏之遠行時一殮十日不飢
重殮九十日不飢○糯米一斗淘洗百蒸百曝搗
末每日以三合許和冷水喫之得三十日都盡則
可終身不食不飢○取粳米一斗以酒三升漬出
曝乾又漬又曝酒盡乃止稍稍食之渴則飲冷水
辟穀周年○取穀末法白米一升可出末二升五
合皮麥去芒連皮炒作末可出二升粟稷亦同大
抵一升米末約二升五合可供二十五人一斗米
可供二百五十人若供一人則可資四朔三斗之

米可備一年○作糝法木麥花大豆葉與殼作末和穀末作糝蒸食極良如無此等物穀根細末作糝食之亦能度飢不浮○一法大豆殼烹熟溫煨鋪乾作末浸水澄清再三易水去毒後作糝極好○木麥半熟莖葉柔軟時取乾之並莖葉細剉炒搗篩末和水食之一鉢足當飯一盂可度朝夕若未及秋刈取則以經打之藁炒搗作末如上法食之但秋後刈者不可單食須和穀末乃可○作醬法大豆葉洗淨煮熟待斗濃入瓮平滿納量和鹽則成清醬勝於豆醬○又方大豆殼烹爛和鹽間

八末醬沉之為醬甚好雖無醬末亦可末烹煎沉
水去毒煮用為宜不然必傷人○又方沙荑桔梗
去蘆頭洗乾搗末篩過入布袋浸水去苦味緊握去
水入瓮約末十斗八末醬一二斗於其上鹽水量
宜沉之皆熟為醬○本方雖如此竈驗之多採沙
荑桔梗打去皮洗土浸流水若泉井中待苦味盡
出去水氣攪搗略洒鹽緊握作團若末醬狀乾
後納瓮中次積末醬入鹽一依常例兩物與末醬
等分亦可就熟後用之以醬汁用之於盤殮無不
宜○榆菜亦可作醬○造漬醬法鹽七合炒極燥

真末八合又和鹽炒之俟真末色黃後陳甘醬三

合和水六鉢煎至四鉢味好○大豆一斗爛煮真
麥五升取精炒搗碎交合溫垸鋪乾色黃為根又
曝乾再三極燥後鹽六升湯水和合沉之置於受
陽處頻頻攪揮七日成醬○大豆一斗爛煮翅子
三升鹽四升搗入缸堅封置受陽處味好○一法
取可容十斗之瓮當腰中橫置木五六枝以草索
結網或編藁為小簾鋪於其上以隔其上下而入
置末醬五斗於其上注鹽水滿瓮則熟為清醬滿
一瓮○一法大豆葉爛煮取烹水及葉入缸和鹽

以末醬量宜入添熟則便成清醬○松笋酒法多
取松笋滿盛於大瓮中湯水極溫入瓮盈滿過數
三日後撿去松笋篩瓮水去滓還入瓮粘米一斗
蒸熟麴一升和瓮水釀之封瓮口過十五日後用
之其味甚烈雖過多日不變○謫仙燒酒方白米
一升五合百洗經宿作末湯水四斗作粥待冷好
麴末三升和合入瓮夏則三日冬則五日後粘米
一斗百洗經宿蒸飯本酒和合入瓮待熟分四注
之則一注出四升合十六升味好

攷事新書卷之十三





